

**የሱስ ኤዲ ሺህ አይዲም እንሥንሥዲና**

**ማርቆስ 8**

1. ዋዳን እንካ ፕርካም ዛርሲ ጵፅ ፑጭዲና። ኖ ኪሳ ዳአኖ ኪእሣያ ካላካም ኮቆልሞንታካ ታማርና ይሳም ይዛራ ግስማንቱ ይንታና ክያማዶ፡-
2. “እላማ ክንካ ሮሮ ማካም ኪካፓዶንታካቤ የር ኪእሣያ ኮቆልሞንታካ ኤና ክና እሳ ላፖና ኪዴሳይ፤
3. ኮንታ ዳቃዳንቱ ኪዳኻ ኪም ኪሳ አኖናዛራ እይእስና፤ ኤና ዋኒ ራቅ ፔጌባራ ኪናአዶንታካ ጎይሮ ቃጃንቱ ሽዳና ኪሽዳይ።”
4. ታማርና ክሳካም ማሳንቱ ክግያ፤ “ዳራን ኮሮ ኤና ክና ኪእሣካናንቱ ባላሻ የካያ ሃንታርካ ሃፓዴ ና?” ኪያማዶ።
5. ኖ ኪግያ፤ “ባላሻ ሜምቱ የሳ ዳና?” ሃማንቱ አይስዲና። ኪካም “ባላሻ ሦጳና ዳና” ኪያማዶ።
6. ኖ ዛርስኖ ፔንዛራ ኮዳርቄካናንቱ ጌይዲና፤ ባላሻና ሦጳናም የዳንቱ ምስካንቱ ቁንፃንቱካም ዛርስንናንቱ ኪካሼካናንቱ ታማርና ይሳ ናንቱ እምዲና፤ ኪካም ዛርስንናንቱ ካሺዲና።
7. ሃያንቱካም ካራ ሻቃቅ ሃማና ኪሳ ዳና፤ ኖካም ካራናም ፑጋንቱ ኤናናንቱ ኪካሼካ ጌይዲና።
8. ዛርስኖ እሣንቱ ምሽዲና፤ ማክሽን ሽዳዶንም ታማርና ክሳ ሻርቃ ሦጳ ጵፅ ጵፅ ፑእሽዲና።
9. እንታርካም ኤዲ ሺህ አይዲ ግያማና ዶኖ፤ ኪም ይእሳንቱ ራስባራ፤
10. አጋዛራ ይሳ ታማርና ላማ ጋግንካ ዳልማኑታ ሃንዳያ ራቃዛራ ያእዲና።
11. ፋራሳዊይናካም ናዴ የሱስ ላማ ዜርማን ካርስዲና። ኪ ጋሮ የር ሃሊ ፖላሮካ ኪናንቱ ክዳጭካናንቱ አይስዲና።
12. ኖ ይሳ ዎይላምካ ቃባንቱ “ሃርያኖ ኮኖ የር ሃሊ ኪናንቱ ዳዋዴካናንቱ ኮዛጋይኖ ሃርናንቱቴ? እንታ የናንቱ ጎንዴና እጌያይ፤ ሃርያን ኮናንቱ የር ሃሊ ካላካም ዳዋዲማሞና!” ክያማዶ።
13. ሃያንቱ ኪም ጋራንቱ ጋግንካ ሳባራ ሳግዲና።

**ፋራሳዊይናቤ ሄሮዶስቤሳ ቡካ**

14. ታማርና ክሳ ባላሻን ባአዳን ኪዋልዶንታካ፤ ባላሻ ካላሳ አባራ ጋግሮ ባላሻ አብ ኪሳ ቆልማሞ።
15. የሱስካም፤ “የል ሃሊ ሼድማቱ፤ ፋራሳዊይናቤ ሄሮዶስቤሳ ቡኮሮካ የም ማንክማቱ” ሃማንቱ ኪናንቱ ጌይዲና።
16. ኪካም “እንታ ይንናንቱ ዎግያ ክያማዶኖ ባላሻ ዎባአድማታካና” ክጊያ ኪያማዶ።
17. የሱስካም ቃቦ ኪሳም ዴሳንቱ ይንታና ኪግያ ክያማዶ፡- “ባላሻ ዎባአድሞንታካው ሃማንቱ የዴላቃይኖ ሃርቴ? ታካም የቲህ ጳቅሳዩው? የቲህ የሳ ዎይላምር ዎዳዩው? ሞ ዎይላም የሳ ካይዲው?”
18. አፕኖ የሳ ኮዳኻ የቲህ ሃፓዩው? ቃሞኖ የሳ ኮዳኻ የቲህ ኤሳራዩው? የቲህ ጳቅሳዩው?
19. ባላሻ ዶንኻም ኤዲ ሺህ ዶንኻናንቱ እቁንፃዶን ዋዳንካ ማክሽን ሽዳዶንም ሻርቃ ሜም ጵፅ ጵፅ የፑእሻዴና?” ኪግያ ክያማዶ። ኪካም ሻርቃ ታጲ ላማና ኪያማዶ።
20. “ባላሻ ሦጳም ኤዲ ሺህ አይዲናንቱ እቁንፃዶን ዋዳንካ ማክሽን ሽዳዶንም ሻርቃ ሜም ጵፅ ጵፅ የፑእሻዴና?” ክያማዶ። ኪካም “ሻርቃ ሦጳና” ክግያ ኪያማዶ።
21. ኖካም “ታ ካውል የቲህ ጳቅሳዳዩውና?” ኪግያ ክያማዶ።

**ቤቴ ሳይዳር ኤያ ፓሽሻዳዳ አጥን ካያ**

- 22. ሃያንቴ ኬ ቤቴ ሳይዳዛራ ናእዲና። ኤዲ ቶኻ ዋኒ ኤዲ አጥ ካያ ካላም የሱስዛራ አንጣቴ ናዴ፤ ኤያም አኒ ይሳኻ ክላኦራኻናንቴ ኪም ምስክዲና።
- 23. ኖኻሞ ኤያ አጥን ካያሳ አኒም የዳንቴ ሞሮን ኢሮኻ ቡላንቴ፤ አጥና ክሳዛራ ፓፂ ማማንቴ አኒን ይሳኻ አጥና ክሳም ላአሳንቴ፤ “የር ሃናንቴ ሃጥንዳያ ዳይዲው?” ሃማንቴ አይስዲና።
- 24. ኖኻሞ ዞን ካቺ ሃማንቴ፤ “ኤና ሃቃግያ ኬያይካና እያፓይና” ክግያ ክያማዶ።
- 25. የሱስ ፐርካሞ ኤያሳ አጥና ግዶር አኒ ይሳም ምድዲና፤ ዋዳስ አጋኻ ኤያሳ አጥና ፖቺምዲና፤ አጥና ክሳ ጫንቃል ሃምዲና፤ የር ፓይላ ውልም ጫንቃል ሃፓን ቻሊዲና።
- 26. ሃያንቴ የሱስ ክግያ “ሞሮንዛራ ሃአርድናኖ! ሞሮኮኻሞ ኤዲ ካላናንቴኻሞ ሃጌይናኖ” ሃማንቴ ኪም ክሳ ለኖንዛራ ይእስዲና።

**ጴጥሮስ የሱስ ባሪያ ናሳ ክዶንም ዴሲዲና**

- 27. የሱስ ይሳ ታማርና ላማ ፊልዶስ ቂሳርያ ሞሮናዛራ ያእዲና፤ ጎይሮኻሞ ይቴ ዳሃንቴ ይሳ ታማርና ግያ “ኤና እግያ ሃው ኬያሜ?” ሃማንቴ ኬኻሳ አይስዲና።
- 28. ኬኻሞ “ጉንቆንካ ሻያያ የዋንስና ሃማይና ኤናኻሞ ዳይዲና፤ ኤና ዋኒ ሃግያ ኤልያሲና ኬያማይ፤ ኤና ዋኒካሞ ሃግያ እና ኤና ባሪያሳ አፓን ጌያይና ግዶር ካላና ኬያማይ” ሃማንቴ ክናንቴ ማሲዲና።
- 29. ጫግሻንቴ ኖ “ኤ፤ የቲህ እግያ ሃው ያሜ?” ሃማንቴ ኬም አይስዲና። ጴጥሮስ “ያ ክርስቶሲና” ክግያ ክያማዶ።
- 30. የሱስካሞ ክሳ የር ኤናናንቴ ጌያን ኬጋራኻናንቴ ኬም ኪሊዲና።

**የሱስ ይጃይንም ብርሳንቴ ጌይዲና**

- 31. ሃያንቴ ኤዲ ናሶ ጋሎ ጴፅ ኮጋላንቤ፤ ዞንዛናቤ፤ ኤና ካህንናሳ ጋርናቤ፤ ኤና ሙሴ ዳምብን ኡካይናቤ ኪም ኬቦዋይንም፤ ሃያንቴ ኪም ኬዴሳይንም፤ ሮራ ማክንሣኻ ዴምጲንባራኻ ክዳጳይንቤም ኖ ኬም ታማርሳን ካርስዲና።
- 32. ኖ ኬናንቴ የራ ክናም ማይ ጌይዲና። ዋዳ አጋኻ ጴጥሮስካሞ ኪም ዋና ቡላንቴ ጎራን ካርስዲና።
- 33. ኮዶን የሱስ ሽራንቴ ይሳ ታማርናም ሼዳንቴ ጴጥሮስ ግያ፤ “ያ ሜሻ፤ እሳ ራስዛራ ይማ! ያ ኤዲ ቃቦና ሃዴሳዶ፤ ባሪያ ቃቦንም ያ ሃቃብማሞ” ሃማንቴ ኪም ጎርዲና።
- 34. አጋሳ ራስባራ ዛርስንም ይሳ ታማርና ላማ ይዛራ ግስማንቴ ይንታና ክያማዶ፡- “ኤዲ ኢም ጫጋናንቴ ናሻያ ይዳና ይናንቴ ቃቦን ክጋሬ፤ መስቀልን ይሳም ባአንቴ ኢም ክጫጌ፤
- 35. ኤና ሳዳን ይሳ ዳአሻናንቴ ዛጋይና ፓይላ ይሳ ሳዳን ካይሳና ኬካይሳይ፤ ኮዶን እቤ እሳ ዴላቅን ገሊንቤናንቴ ሃማንቴ ኤና ይሳ ሳዳን ካይሳና ፓይላ ይሳ ሳዳን ዳአሻና ኬዳአሻይ።
- 36. ኤዲ ፔን ኮም ፓይላ ይንቲ ሃያንቴ፤ ሳዳን ይሳም ክካይስና ክናንቴ ለጎኖ ሃር ኮማቴ?
- 37. ኤሳንካ ኤዲ ይሳ ሳዳንሳ ሜቴሮ ክዎሳያ ሃርቴ ክሳ ዳ?
- 38. ሃርያን ቡሎንኮቤ፤ ሴሶን ጋን ኮቤሳ ባክሮ፤ እቤ፤ እሳ ዴላቅንቤኻ ኤና ቦክንዳይና ፓይላ፤ ኤዲ ናሶ እምባሳ ጎሺንካ ባሪያሳ ኤርጎን ኤና ጫራሻና ላማ ይኒና ኤና እግናም ኖ ቦክንዳና ክቦክንዳይ።”

**የሱስሳ ብሽኖ ሼሽክዲና**

1. ጫግሻንቴኸኖ ኖ ኬግያ “እንታ የናንቴ ጎንደና እጌያይ፤ ኤና ክና ዎያዳናሳ ባክሮ ባሪያሳ ማንግስትኖ ካንታንካ ኮናአይን ይሳ ሃገዛራ ኤና ዋኒ ዴምጲን ጂምና ዳይዲና ና” ክያማዶ።
2. ሮሮ ላይሳኸኖ ራስባራ የሱስ ጴጥሮስቤ፤ ያዕቆብቤ የዋንስቤም ጫግሻንቴ ጌማር ጉዳጲ ካላዛራ አንሣንቴ ዉትዲና፤ አንታርካም ይዳሪና ኬዶ፤ ኬሳ ዎትሮኸኖ ብሽኖ ክሳ አክምዲና።
3. አፓላኖ ክሳ ፔሮጎ ኤዲ አፓላ ጩባያ ካላሳ ጩባንቴ ጫውልሻዳያሳ ጳባራ ካልሎን ጫውሊ ማትዲና።
4. ኤልያስቤ ሙሴቤ የሱስ ላማ ክንካ ኬያሳውካ ክናንቴ ሃፕንዲዲና።
5. ጴጥሮስ የሱስ ግያ “አስታማራዮ፤ ራቃ ካሮ ዎዳና ዎናንቴ ባሺና፤ ጋፓ ካላም ሃናንቴ፤ ካላም ሙሴናንቴ፤ ካላም ኤልያስናንቴ ጋፓ ማካም ዎኬና” ክያማዶ።
6. ኬ ጌጲ የኩርትንዳዶንታኸ የራ ይጌያያም ዴስማም።
7. ሃያንቴኸኖ ሉፕኖ ናዴ ኬም ክጭዲና፤ ሉፕንሣ ኢሮጎ “አጋ ናሳ እሳ እናሻያና፤ ኪም ኤሳርማቴ!” ሃማያ ዩ-ዎ ኤሳርምዲና።
8. አጋዛራ ይሳ ዴምር ኬሼድና የሱስሳ አባራ ኤዲ ካላኸኖ ኬላማ አብ ቆልማም።
9. ጌማርታባራ ይያንቻን ዋዳንካ ኤዲ ናሶሳ ዴምጲሮኸኸ ክሳ ዳጳዛራ የራ ይያፓዳናም ኤዲ ካላናንቴኸኖ ጌያን ኬጋራኸናንቴ ኬም ክሊዲና።
10. ኬኸኖ አፓ ኬናንቴ ጌይዳዳም ይሳ ዎይላምሮጎ ዎድዲና፤ ኮዶንካም ዴምጲንባራ ዳጳይኖ ሃር ኮዶንም ክንካ ዴላቅቴና ኬዶ።
11. ሃያንቴኸኖ “ኤና ሙሴ ዳምብን ኡካይና ብራንቴ ናአንግያንዳ ኤልያሲና ሃርናንቴ ኬያሜ?” ሃማንቴ ክካላ ኬ አይሲዲና።
12. የሱስካም ኬግያ “ይያማንካም ኤልያስ ብራንቴ ናዴ የር ፓይላ ውልም አና ኮዳግያ ሃያና ክያያይ፤ ታ ኤዲ ናሶ ጋሎ ጴፅ ክጋሎኸናንቴቤ ኪም ቦዋዴኸናንቴ ይንናንቴን ዋርቃትሮጎ ኡካዳዶኖ የኸላ ሃር ኮታኬ?”
13. ኮዶንካም እንታ የናንቴ ጌያና እጌያይ፤ ኤልያስ ብራንቴ ናእዲና፤ ኬኸኖ ክሳ ዋርቃትሮጎ ኡካዳዳግያ የራ ይዛጋዳናም ክዛራ ሃይዲና ና” ክያማዶ።

**ናሳ ኡስን ዛርቦን ይንዛራ ይዳ ፓሺዲና**

14. ታማርና ይሳ ሽዳዳናዛራ ማታቴ ኬንና ዛርስኖ ጴፅኖ ኬም ታኸንቴቤ ኤና ሙሴ ዳምብን ኡካይና ኬላማ ክንካ ዜርምቴ ኬዳኻ ኬ ሃፕዲና።
15. ዛርስኖ ፓይላ ኪም ይያፓና አጋዛራ የርሻንቴ ኪም ጌሳናንቴ ክዛራ ጎባኸ ናእዲና።
16. ኖኸኖ “ኬላማ ክንካ ይንናንቴን የዜርማይኖ ጎይ ሃርባራቴ?” ሃማንቴ ኬኸኸላ አይስዲና።
17. ዛርስንሣ ባክሮ ኤዲ ካላ ክግያ፤ “አስታማራዮ፤ ኡስን ዛርቦን ይንዛራ ዳአንቴ አፖን ይዱዲሳዳ ናሳ እሳ እንታ ሃዛራ ባአቴ ናእዲና ና” ክያማዶ።
18. ባሪያምኖ ክሳ ኮዳጳን ዋዳንካ ኪም ዳባና ኮዳባይ፤ አፖንካ ክሳ ዱቦና ዉታይ፤ ይሳ ግግርን ማሳና ክማሳይ፤ ብሽኖ ክሳ ዛባና ኮዛባይ፤ ኡሳ ዛርቦም ኬቡሌኸናንቴ ታማርና ሃሳም እንታ አይስዲና፤ ኮዶን ኬ ቻልዲማም።”
19. የሱስ ኬናንቴ ማሳንቴ፤ “የቲህ ሃርያኖ አምንሞኖ ኮኖ፤ ላይ ሃማዛራ የላማ ክንካ እዴ? ላይ ሃማዛራ የናንቴ እዶንሼ? ናሳም አራ ኢዛራ ባአማቴና!” ክያማዶ።
20. ኤናኸኖ ክዛራ ባአቴ ናእዲና፤ ኡሳ ዛርባኸኖ የሱስም ይፓዶን ዋዳንካ ናሳም አጋዛራ ግባዝስዲና፤ ኖኸኖ ፔሮጎ ጳርፃንቴ ግርጫ ጋእዲና፤ አፖንካ ክሳ ዱቦ ዉታን ካርስዲና።
21. የሱስ ናሳሳ እምባግያ፤ “ናሳም ኡሳ ዛርባ ክየዳኻ ሃማግያ ክካፓዴ?” ሃማንቴና ክአይሳዶ። ኖኸኖ ክግያ፤ “ክሳ ናሳምሮኸኸ ካርሳንቴና፤
22. ኪም ዴሳናንቴ ይዛጋዶንታኸ እይ ጴፅ ኖሮቤ ኑንቆሮቤ ዳብዲና፤ ኮቻሊማያ ዳና ዎናንቴ ቡርቃዲማ፤ ዎም ኬልሸማ” ክያማዶ።

- 23. የሱስካሞ ክግያ “ ኮቻሊማያውን ሃማዶ? ኤያ አምናያናንቴ የር ፓይላ ውል ቻሊማና ኮቻሊማይ ና” ክያማዶ።
- 24. አጋዛራ ናሳ እምባኻም የሱስ ግያ፣ “እንታ አምናና እአምናይ፤ እንታ እአምናድሞን እባሼኻናንቴ ኢም ኬልሽማ!” ሃማንቴ እላትዲና።
- 25. የሱስካሞ ዛርስኖ ባቃንቴ ክዛራ ጎባኻ ኮናአይንም ይያፓና፤ “ያ ቃሞን ካያቤ አፖንሣ ዱዳቤ ኡሳ ዛርባ ክባራንካ ውትማ! ናንሢ ማታንቴ ክዛራ አርዳን ሃጋሬኻናንቴ እንታ ሃናንቴ ጌይዲና” ሃማንቴ ኡሳ ዛርባ አይትዲና።
- 26. ኡሳ ዛርባ እላታንቴ ናሳም ካልሎን ማርፅ ማርፅ ዳባንቴ ክባራንካ ውትዲና። ኤዲኖ ጹፅኖ “ኖ ጃይዲና” ኮሳ ሃማዛራ ናሳኻም ኤዲ ጃዳግያ ማትዲና።
- 27. ኮዶን የሱስ አኒን ክሳም የዳንቴ ዳሲዲና፤ ናሳኻም ዳጳንቴ ዎይዲና።
- 28. የሱስ አኖንዛራ ክአርዳኻ ታማርና ክሳ ይዳር፤ “ዎቲህ ቡላናንቴ ይንናንቴን ዎቻላድማ ሃርናንቴቴ?” ሃማንቴና ክካላ ኬአይሳዶ።
- 29. ኖ ኬግያ ይጌይና፤ “ኮግያሞኖ ይንካ ኮውታይኖ ባሪያም ምስኮቤ ቶሮንዳንቴ ባሪያ ምስኮቤ ሶጎና ና” ክያማዶ።
- 30. አጋሮኻ ኬ ዳጳንቴ ገሊላኻ ሳግዲና፤ የሱስ ክዳ ራቃም ኤዲ ካላኻም ኮዴሴኻናንቴ ዛጋድማሞ።
- 31. ታማርና ይሳናንቴኻም፣ “ኤዲ ናሶ ኤናሳ አኒካ ሳስካንቴ እማና እንዳይ፤ ኬኻም ኪም ዴሳና ኬዴሳይ፤ ሮሮ ማካንሣ ራስባራ ዳጳና ክዳጳይ” ሃማንቴ ታማርስቴና ክዶ።
- 32. ኮዶን ኬኻም ኬናንቴ የራ ክጌያይና አርድማም፤ ኮሃማይን ክካላ አይሳናንቴ ኬ ኩርቲንዲዲና።

**ውል ካላንካ ሳጋያ ሃውቴ?**

- 33. አጋሳ ራስባራ ቅፍርናሆምዛራ ኬ ናእዲና። ኖ አኖን አርዳንቴ ራስባራ “እኒ ጎይሮጎ የክትማይኖ ሃርባራቴ?” ሃማንቴና ኬኻላ ክአይሳዶ።
- 34. ኮዶን ኬኻም እኒ ጎይሮጎ ኬክትማይኖ ውልካላ ሳጋያ ሃውቴ ሃማያ ጎያባራ ኮዶንታኻ ኬ ጫካምዲና።
- 35. ኖ ዳርቃንቴ ታማርና ይሳ ታጺ ላማናም ግስማንቴ ኬግያ፤ “ብራሮጎ ዳናንቴ ኤያ ዛጋያ ኤና ውልሳ ቱንሢሮቤ ኤና ውልናንቴ ዋዲማያቤ ክዴ ና” ክያማዶ።
- 36. ናሶ ሾሊ ባአንቴ ኬሳ ባክሮጎ ዎይስዲና፤ ኪም ሹባንቴ፤
- 37. “ናና ሾሊና ክና ግደር ካላም እሳ ናብንካ ኤያ ቻያ ኢም ቻና ክቻይ፤ ኤያ ኢም ቻያኻም ኢም ሶጎ ጋራንቴ ኤያ ኢም ንእሳዳም ካውልና ክቻይ ና” ኬግያ ክያማዶ።

**ኤና ዎም ቶዛዲምና ፓይላ ዎላማ ክንካና**

- 38. የሞንስካም፣ “አስታማራዮ፣ ኤዲ ካላ ሃሳ ናብንካ ቤርናም ክቡልካ ዎቲህ ሃፕዲና፤ ዎም ክጫግሞንታኻ ዎቲህ ኪም ማርዲና ና” ክያማዶ።
- 39. ኮዶን የሱስ ይንታና ክያማዶ፡- “የማርናኖ፤ ኤዲ ካላ እሳ ናብንካ የርን ሃሚማንግያዶንም ሃያንቴ ይሪካ እዛራ የር ዛርቦ ጌያናንቴ ቻሊማም፤
- 40. አጋታኻ ኤና ዎም ቶዛዲምና ፓይላ ዎላማ ክንካና፤
- 41. እንታ የናንቴ ጎንዴና እጌያይ፤ የቲህ ክርስቶስ ጋንት የዶንታኻ፤ ኤያ እሳ ናብንካ የናንቴ ኑንቆ ሻርቃ ካላ እማያሳ ባዛ ካይማሞ።”

**ኤያ ዋናንቴ ዱርሚ ማቲንቶ**

- 42. “ኤና ኢም አምናይና ሻቃቅ ሃምና ክናሳ ካላም ኤያ ራስዛራ ማሳያሳ አጋሳ ሱኒ ዴስማያ ደፃ ቆርጭሮ ዳካንቴ ኛፓስሮ ዳባድዳና ባሺና።”

43. አጋታኝ እና ሃሳ ሃም ሴሶዛራ ክባኢያዳና፤ ቱምማ፤ እን ላማኝ ዳኦንቴ ጋሃነምንዛራ ሃኦርዳንናንቴ ዱጋ ዳኦንቴ ሳዳንዛራ ሃኦርዳይኖ ሃናንቴ ባሺና፤
44. ጋነምሮ ቃዮና ጂማሞ፤ ኖኖኸሞ ካይማሞ።
45. ራ ሃሳ ሃም ሴሶዛራ ክኦንሣያዳና፤ ቱምማ፤ ራ ላማኝ ዳኦንቴ ጋሃነምንዛራ ሃዳባዳንናንቴ ሾኾሎ ዳኦንቴ ሳዳንዛራ ሃኦርዳይኖ ሃናንቴ ባሺና፤
46. ጋነምሮ ቃዮና ጂማሞ፤ ኖኖኸሞ ካይማሞ።
47. አጋ ሃሳ ሃም ሴሶዛራ ክኦርሳያዳና፤ ኮቻራቴ ቡልማ፤ አፒ ላማኝ ዳኦንቴ ጋሃነምንዛራ ሃዳባዳንናንቴ አፒ ካላኸ ባሪያሳ ማንግስትንዛራ ሃኦርዳይኖ ሃናንቴ ባሺና፤
48. ጋነምሮ ቃዮና ጂማሞ፤ ኖኖኸሞ ካይማሞ፤
49. አጋታኝ ኤና ፓይላ ውልም ኖንካ ኮቃና ኮቃዳይ።
50. ሶቆ ሃሊና፤ ኮዶንካሞ ሶቆ ሶቆ ኮታክምና ሃስ ሃያንቴ ማሳቴ ኮዳፀኸናንቴ የያዩ? ሶቆ የሳ ኢሮጎ ኮዴ፤ ክሳካሞ አጋም ኖሽማቴ።”

**አይ ቡላ**

**ማርቆስ 10**

1. የሱስ አጎታርካ ዳጳንቴ ይሁዳ ፔንቤ የርዳኖስ ሌኤንሣ ሳባራን ራቃ ዳዛራ ያእዲና፤ ዛርስኖ ፕርካሞ ክካላ ፑጭዲና፤ ኖ ብራንቴ ይያያያግያ ኬም ታማርስዲና።
2. ፋራሳዊይና ሞኒ ክካላ ናዴ፤ “ኤዲ ካላ ይሳ ሜንሣ አይን ክቡሌኸናንቴ ጌይዲዲው?” ሃማንቴ ዴሳንቴ ዴሳድማግያ ኬ ጋሮ ክካላ አይስዲና።
3. ኖ ኬናንቴ ይማሳና፤ “ሙሴ ሃር ሃማንቴ የናንቴ ክጌያዴ ና?” ክያማዶ።
4. ኬኸሞ ክግያ፤ “ሙሴ ኤያ ሜን ይሳም ይንካ ይቡላያ ኤላቃም ሞርቃትሮጎ ኡካንቴ ሜኒም ቡልዴኸናንቴ ጌይዲና ና” ኬያማዶ።
5. የሱስ ኬናንቴ ይማሳና ይንታና ክያማዶ፡- “ሙሴ ዳምብን አጎም ይንናንቴ የናንቴ ክኡካዶኖ የሳ ምይላምሳ ቆራሞ ሼዳንቴና።
6. ኮዶንካሞ እና ኤናም ባሪያ ይዎዶንሣ ካርስሮ አንጌቤ ሜቤ ሃያንቴ ኬም ክዎዳዶ።
7. አጋታኝ ኤዲ ናሶ እምባቤ እንዳንቤም ጋራና ክጋራይ፤ ይሳ ሜን ላማኸሞ ክንካና ክዳይ።
8. ኬላማ ውል ማአሲ ካላና ኬማታይ፤ ናንሣ ኬ ማአሲ ካላና፤ ኤዲ ላማ ትማሞ፤
9. አጋታኝ ባሪያሳ ማአሲ ካላ ሃይዳዶን ኤዲ ካላካሞ ኬም ፓሽሻን ኮጋሬ።”
10. ፕርካሞ ማታቴ አኖንዛራ ኬኦርዳና፤ ታማርና ክሳካሞ የራ እግናም ክካላ ማሳቴ አይስዲና።
11. ኖኸሞ ኬግያ ይማሳና፤ “ኤዲ ካላ ሜን ይሳም ቡላንቴ ሜ አብ ኬማያ ሜን ይሳዛራ ቡላሞና ክያአዶ፤
12. ናኸሞ አንጋ ይሳም ቡላንቴ አንጌ አብ ይኬማዲና፤ ናኸሞ ቡላሞና ኮያአይ ና” ክያማዶ።

**የሱስ ናናናንቴ ፓዲ እምዲና**

13. የሱስ ናናዛራ አን ይሳም ክዎዴኸናንቴ ኤና ናናም ክዛራ ባአቴ ናእዲና፤ ኮዶን ታማርና ክሳ ኤናም ጎርዲና።
14. የሱስ አጋም ሃፓንቴ ሞጭማንቴ ኬግያ ይንታና ክያማዶ፡- “ናና እዛራ ኬኔኤ፤ የማርናኖ፤ ባሪያሳ ማንግስትኖ ኬግያምና ናንቴና።
15. እንታ የናንቴ ጎንዴና እጌያይ፤ ባሪያ ማንግስትንም ኤና ናና ጋንታግያ ቺምና ኮዛራ ካላካሞ አርድማሞ።”
16. ናናም ሹባንቴ አን ይሳም ኬዛራ ምዳንቴ ኬናንቴ ፓፅን እምዲና።

**ባርሻስ ዎድንታሳ አይሳ**

- 17. ሃያንቴ ኖ አጎታርካ ዳጳንቴ ጎይን ያአን ክካርሳና፤ ኤዲ ካላ ጎባኸ ክዛራ ናዴ ክሳ ዎትሮ ኮምፓርሳንቴ ክግያ፤ “አስታማራ ፃላ፤ ሳዳን ላይን ዳይንም ሃፓናንቴ እባራ ሃር ሃይንቶ ኮዛግሴ ና?” ክያማዶ።
- 18. የሱስ ይንታ ሃማንቴ ክናንቴ ማሲዲና፡- “ሃርናንቴ እግያ ፃላ ሃያሜ? ባሪያ ካለስሳ አባራ ኤዲ ፃል ቆልማም።
- 19. ዳምብናም ያ ዴስዲና፡- “ሃዴስናኖ፤ ቡሎ ሃዳናኖ፤ ሃዲብናኖ፤ ፓጋሞኸ ማኚ ሃዳናኖ፤ ኤዲም ሃታይስናኖ፤ ሃምባቤ ሃንናቤም ጎብማ።”
- 20. ኤያኸም ክግያ፤ “አስታማራዮ፤ እሳ ናሳሞሮኸ ካርሳንቴ ዳምብና እግና ፓይላ ውልም እንታ ጫግዲና ና” ክያማዶ።
- 21. የሱስካም ኤያም ሼዳንቴ ናሽዲና፤ “ታ ናንሢ ሃሳ የር ካላ ጀግዲና፤ ቃልቴ ኮይና ሃሳ ዳናም ፓይላ ሻንሸማ፤ ኤና ኩፕናናንቴ እምማ፤ ጳ ፖላሮ ዎዲማሞን ቻና ሃቻይ፤ ሃያንቴኸም ናዴ ኢም ጫግማና” ክግያ ክያማዶ።
- 22. ኤያኸም እግናም ይኤሳራና ላፖ ክሳም ጃይዲና፤ ኮይሶኖ ክሳ ጴፅ ኮይንታኸ እልል ጃንቴ ያእዲና።
- 23. የሱስ ይሳ ዴሞዛራ ሼዳንቴ ይሳ ታማርና ግያ፤ “ኤና ዎድሞናናንቴ ባሪያ ማንግስትንዛራ አርዳኖ የር ካልሎን ሃምንታ ዋቺቴ ና!” ክያማዶ።
- 24. የራ ክጌያዳና ታማርና ክሳ ናንቴኸም የር ዋና ማትዲና፤ ኮይን የሱስ ፕርካም ኬግያ ይንታና ክያማዶ፡- “ናናቶ፤ ባሪያሳ ማንግስትንዛራ አርድንቶ የር ሃምንታ ዋቺቴ!
- 25. ኤና ዎድሞና ባሪያሳ ማንግስትንዛራ ኬአርዳንናንቴ ጋማላ ማርፌሳ ፑላኸ ኮውታይኖ ባዶና።”
- 26. ታማርና ናንቴኸም ካልሎን የር ዋና ኮማቲኸ፤ “ታ አጎንታ ዳና ሃውቴ ዳቃናንቴ ቻላያ ና?” ክጌያ ኬያማዶ።
- 27. የሱስ ኬም ሼዳንቴ፤ “ኮኖ ኤዲ ናሶናንቴ ቻሊማም፤ ኮይን ባሪያናንቴ አጎንታ ትማሞ፤ ባሪያናንቴ የር ፓይላ ውል ቻሊማና ኮቻሊማይ ና” ኬግያ ክያማዶ።
- 28. ጴጥሮስካም ክግያ፤ “ዎቲህ የር ፓይላ ውልም ጋራንቴ ሃም ጫግዲና ና” ክያማዶ።
- 29. የሱስካም ኬናንቴ ይንታ ሃማንቴ ማሲዲና፡- “እንታ የናንቴ ጎንዴና እጌያይ፤ እቤ፤ እሳ ዴላቅን ፃሊን ኮቤናንቴ ሃማንቴ ይሳ አኖንቤ፤ እንዳን ናናቤ፤ እንዳን ናና አንዛናቤ፤ እንዳንቤ፤ እምባቤ ይሳ ናናቤ፤ ሃምንቤም ኤያ ጋራዳ ፓይላ፤
- 30. ታ ዋዳን ኮካ ባቆን ላማ አኖናቤ፤ እንዳን ናናቤ፤ እንዳን ናና አንዛናቤ፤ እንዳናቤ፤ ናናቤ ሃሚናቤም እይ ማቶሳ ጳባራ ችማ፤ ፔን ሃሊን ናአናናንቴን ዶሮ ሳዳን ላይ ዳይንም ኤዲ ችማ ሽዳያ ቆልማም።
- 31. ኮይንካም ኤና ጴፅና ብራሮን ዳና ራስዛራና ኬያአይ፤ ራስባራን ዳናኸም ብራኒና ኬሳጋይ።”

**የሱስ ፕርካም ይጃይንም ብርሳንቴ ጌይዲና**

- 32. የሩሳሌምዛራ ውቲቴ ኬዳኸ፤ የሱስ ኬም ብራንቴ ይቴና ክዶ፤ ታማርና ክሳ ናንቴኸም የር ዋና ማትዲና፤ ኤና ዋኒ ኪም ጫግቴን ዳናኸም ኩርቲንዲዲና። ሃያንቴ ታማርና ይሳ ታጲ ላማናም ዛርስን ካላ ዋና ቡላንቴ ክዛራ ሃር የስካናንቴ ኮይንም ኖ ጌይዲና፤
- 33. ይንታኸምና ኬግያ ክያማዶ፡- “የሩሳሌም ዛራ ውታና ዎውታይ፤ ኤዲ ናሶም ካህንናሳ ኤና ጋርናቤ ኤና ሙሴ ዳምብን ኡካይና ናንቴ ሳስካንቴ እማና እንዳይ፤ ኬኸም ክጄኸናንቴ ክዛራ ብቶን ታኸና ኬታኸይ፤ ሳስካንቴ ኤና ቶርስና አብናናንቴ እማና ኬእማይ፤
- 34. ኬኸም ክንካ አልማና ኬአልማይ፤ ክዛራ ፓፅን ማማና ኬማማይ፤ ኪም ዳና ኬዳይ፤ ሃያንቴኸም ዴሳና ኬዴሳይ፤ ኮይን ኖ ሮሮ ማካምንሣ ራስባራ ዴምጲንባራ ዳጳና ክዳጳይ።”

**ያዕቆብቤ የዋንስቤሳ አይሳ**

- 35. ሃያንቴ ዘብዲዮስ ናና ያዕቆብቤ እንዳን ናሳ የዋንስቤ ክካላ ናዴ ይጌይና፤ “አስታማራዮ፣ የራ ሃኻላ ዎምስካይናም ፓይላ ዎናንቴ ሃየኻናንቴ ዛጋና ዎዛጋይ ና” ኬያማዶ።
- 36. ና “ሃር የናንቴ እያየኻናንቴ የዛጌ ና?” ኬግያ ክያማዶ።
- 37. ኬኻሞ “ሃሳ ጎሺንካ ሃዳርቃን ዋዳንካ ዎሳ ካላም ሃሳ ምዛቅባራ፤ ካላም ሃሳ ዋርካታባራ ዎዳርቁኻናንቴ ናሽማና” ኬያማዶ።
- 38. የሱስ ኬግያ፣ “የቲህ የራ የምስካይና ዴስማሞ፤ እንታ ይንካ እውጫያ ሻርቃስካ ውጫናንቴ ቻላው የቻላይ? ሻዮ እሻይዳይንም ሻይዳናንቴ ቻላው የቻላይ ና?” ክያማዶ።
- 39. ኬኻሞ፣ “ዱኒ፣ ቻላና ዎቻላይ ና” ኬያማዶ። የሱስካሞ፣ “እንታ ይንካ እውጫያ ሻርቃስካ ውጫና የውጫይ፤ እንታ ሻዮን እሻይዳይንምካሞ የቲህ ሻይዳና የሻይዳይ፤
- 40. ኮዶንካሞ እሳ ምዛቅባራቤ ዋርካታባራቤ ዳርቅንታኖ ኤና ይንናንቴ ቃባዳዳናንቴ ዳያና፤ እንታ እባራንካ የር ኢእማያ ትማሞ ና” ኬግያ ክያማዶ።
- 41. ታማርና ክሳ ታጲና ዋኒ እግናም ይኤሳራና ያቆዕብቤ የዋንስቤዛራ ዋጭማን ካርስዲና።
- 42. የሱስ ኬም ክዛራ ፑእሻንቴ ይንታና ኬግያ ክያማዶ፡- “ቶርስን ኤናሳ ኤና ጋርና ሃማንቴ ቃባዳይና ኬዛራ ጌጲ ኬዶንቤ፤ ኤና ኬሳ ጌጲና ኬዛራ ይሳ ጌጲምንም ኬዳዋይንም የቲህ ዴስዲና።
- 43. ኮዶን የባራ ኦንንታ ትማሞ፤ የሳ ባክሮጎ ኤዲ ጋሪ ማታናንቴ ኤያ ዛጋያ፤ የናንቴ ዋዲማያ ክዴ፤
- 44. ኤያ ብራሮ ዳናንቴ ዛጋያ፤ ኤና ውልሳ ካይሲ ክዴ፤
- 45. አጋታኻ ኤዲ ናሶ ኤናናንቴ ዋድማናንቴቤ ሳዳን ይሳም ኤዲ ጲፅናንቴ ባዛ ሃያንቴ እማናንቴና ክናአዶ፤ ክናንቴ ዋድማዴኻናንቴ ትይማሞ ክናአዶ።”

**የሱስ ኤያ አፕን ካያስ በርጤሜዎስም ፓሽሽዲና**

- 46. አጋሳ ራስባራ ኢያራኮዛራ ኬ ናእዲና። የሱስቤ፣ ታማርና ክሳቤ ዛርስምቤ ኢያራኮባራኻ ኬውትና፤ ኤያ አፕን ካያስ ጤሜዎስ ናሳ በርጤሜዎስ ጎይንግ ዴሞሮ ዳርቃንቴ ምስክምቴና ክዶ።
- 47. ኖኻሞ ናዝራት ጋንታ የሱስ ክዶንም ይኤሳራና፤ “ዳዊት ናሳ፣ የሱስ፣ እናንቴ ቡርቃዲማ!” ሃማንቴ እላታን ካርስዲና።
- 48. ኤዲኖ ጲፅኖኻሞ ጫክ ክያሜኻናንቴ ኪም ጎርድና፤ ኮዶን ኖ “ዳዊት ናሳ እናንቴ ቡርቃዲማ!” ሃማንቴ ካልሎን እላትዲና።
- 49. የሱስካሞ ዎያንቴ፤ “ኪም ግስምማቴና” ክያማዶ። ኬኻሞ ኤያ አፕን ካያስግያ፣ “ሃይ ሌምማ፤ ዳጵማ፤ ሃም ግስምዲና ና!” ኬያማዶ።
- 50. ኖ አፓላን ይሳም ዳባንቴ፤ ዳጵንቴ የሱስዛራ ናእዲና።
- 51. የሱስካሞ ክግያ፣ “ሃናንቴ ሃር እያየኻናንቴ ሃዛጌ ና?” ክያማዶ። ኤያ አፕን ካያስካሞ ክግያ፣ “አስታማራዮ፣ ሃፓናንቴ እዛጋይ ና” ክያማዶ።
- 52. የሱስካሞ ክግያ፣ “ይማ፣ እምናትኖ ሃሳ ሃም ዳአሽዲና ና” ክያማዶ። አፕኖ ክሳኻሞ አጋዛራ ፓቺምዲና፤ ኖ ጎይን የሱስም ጫጋንቴ ያእዲና።

**የሱስ ጎሺንካ የሩሳሌምዛራ አርድዲና**

**ማርቆስ 11**

1. ኬ የሩሳሌምዛራ ዪዲናዴ ዳብሬ ዘይት ጌማርታ ዴሞሮን ዳና ቤቴ ፋጌቤ ቢታንያቤኻላ ይየስካና፤ የሱስ ይሳ ታማርናሳ ላማም ይንታ ሃማንቴ ኬም ይእስዲና፡-

2. “ሞራ የሰዎችን ዳዛራ ይማቱ፤ ኤዲ ይንዛራ ዳርቃንቱ ይደብማ ኡኩል ናሶ ዳክማንቱ ኮዳኝ ሃገር የያገደ፤ ቡላንቱ አራ ዳቱ እማቱ።”
3. ኤዲ ካላካሞ የግያ፣ ‘ሃር ሃይቱ የዴ?’ ክያምና፤ ‘ጌጳናንቱ ዛግሳና ክዛግሳይ፤ ኖ ይሪካ ማሳቱ ገእሳና ክንእሳይ’ ሃማንቱ ክናንቱ ጌይማቱ።”
4. ኬኸሞ ያእዲና፤ አኖ ካላሳ ሙልዳጋጋጋ ጎይሮ ኡኩልቶን ናሳም ዳክማንቱ ክዳኝ ኬያጥዲና፤ ኬኸሞ ቡልዲና።
5. አጎታር ኤና ያያንቱን ዳና ግዶር ዋኒ፤ “ሃርናንቱ ኡኩልቶን ናሳም የቡሌ ና?” ኬግያ ኬያማዶ።
6. ታማርናኸሞ የሱስሳ የራ ጌይዳዳናም ኤናናንቱ ኬጌያዶን ዋዳንካ ኤናኸሞ ዳቱ ኬየኤኸናንቱ እምዲና።
7. ኡኩልቶን ናሳም የሱስዛራ ዳቱ ናዴ፤ አጋላና ይሳም ኡኩልቶን ናሳሳ ዙሎሮጎ ኬአጋኝ ኖ ዛራን ዳርቅዲና።
8. ኤዲኖ ጳጳኖ አጋላና ይሳም ጎይሮጎ አጥዲና፤ ኤና ዋኒካሞ ቃልጳ ቁንግንቱ አጥቱና ኬዶ።
9. ኤና ክሳ ብራሮ ይቱን ዳናቤ ክሳ ራስባራ ጫግቱን ዳናቤኸሞ ናቅሲ ይሳም ዴግ ሃያንቱ ይንታ ሃምቱና ኬዶ፡- “ሆሳዕና፤ ኤያ ጌጳሳ ናብንካ ናአያ ይንናንቱን ጋፅን እንዳዳ ና!
10. ያምባ ዳዊትሳ ማንግስትኖ ናአይኖ ፑጋዳዳና! ሆሳዕና ጳ ጋላናሳ ጋላሮኸ!”።
11. የሱስካሞ የሩሳሌም የስክዲና፤ ሃያንቱ ባርዮን አኖንዛራ አርድዲና፤ ይሳ ዴምሮ የራ ዳናም ጋይላ ሼድዲና፤ ፔኖ ኮእባናዶንታኸ ታማርና ይሳ ታጲ ላማና ላማ ቢታንያዛራ ያእዲና።

**የሱስ ባርዮን አኖንባራ ኤናም አይቲዲና**

12. ዋጋላሞንካሞ ቢታንያ ግዶርካ ኬወታንካ የሱስ ዳቃዲዲና።
13. ኖ ባላስ ጎብ ካላም ፔጌኸ ሃጥዲና፤ ኬዳ አፒ ካአንቱሞ ክዶኖ ሃማንቱ ክዛራ ናእዲና፤ ኮዶንካሞ ባላሳሳ አርጥና ይንካ አፒን ካዳይና ኬትሞንታኸ ቃልጳናሳ አባራ የር ካላካሞ ዛራን ሃገድማሞ።
14. ሃያንቱ ባላሳግያ፣ “ሃልታላኸ ካርሳንቱ ኤዲ ካላካሞ ሃግዶርካ አፒ እሣን ክጋሬ ና” ክያማዶ። ታማርና ክሳ እግናም ክጌያን ኤሳርዲና።
15. የሩሳሌምዛራኸሞ ኬ ናእዲና፤ ሃያንቱ ባርዮን አኖንዛራ አርዳንቱ፤ ኤና ኮይናም ሻንሻይናቤ ኤና ሻናይናቤም አይታን ካርስዲና። ኤና ብሬን ክናንቱ አስካይናሳ ጠርጴዛንቤ፤ ኤና ዎሌናም ሻንሻይናሳ ቦርኮቶናቤም ውንኩርስዲና፤
16. ኤዲ ካላኸሞ ባርዮን አኖንሣ ኢንካ ኮይሶ ባአንቱ ሳጋን ኮጋሬኸናንቱ ማርዲና።
17. ኬም ይታማርሳ ዋዳንካኸሞ “ አኖኖ እሳ፤ ቶርስን ጋይላ ውልሳ ምስኮ አኖና ሃንዳይ’ ሃማንቱ ዋርቃትሮጎ ኡካዳዳዮው? ኮዶን የቲህ ኤና ዲብናሳ ጳልው ያያዶ ና!” ኬግያ ክያማዶ።
18. ኤና ካህንናሳ ጋርናቤ ኤና ሙሴ ዳንብን ኡካይናቤ እግናም ይኤሳራና፤ ጎይ ይንካ ኪም ይካይሳያ ዛጋን ካርስዲና፤ አጋኸሞ ዛርስኖ ጋይላ ታማርን ክሳም ኮየርሻዳኸ ኬ ኪም ኩርቲንዲዲና።
19. ኮእባናናኸሞ ኬ ካታማስሮኸ ወታንቱ ያእዲና።

**ባላስን ሃቃስ ዋቺዲና**

20. ዋጋላሞን ቡርን ጎይንካ ኬሳግና ባላስን ሃቃስ ይሳ ጫጭንካ ካውል ዋቻንቱ ክዳኝ ኬ ሃጥዲና።
21. ጴጥሮስናንቱ የራ ጳቅ ክያሟኝ የሱስ ግያ፤ “አስታማራዮ፣ ባላሳ ሃአሻዳ ዋቺዲና ና” ክያማዶ።
22. የሱስካሞ ማሳንቱ ይንታና ኬግያ ክያማዶ፡- “ባሪያኸ አምንማቱ።
23. እንታ የናንቱ ጎንዴና እጌያይ፤ ኤዲ ካላ ጌማርታ ካግያ ‘ቡጭማንቱ ኛጋስንዛራ አርድማ’ ክያምና፤ አጋምካሞ ይሳ ዎይላምሮኸ ቡላንቱ ክአምናዳና የራ አጋ ክናንቱ ሃምማና ኬያማይ።
24. አጋታኸ የሳ ምስኮሮ የራ ባሪያኸላ የአይሳዳናም ጋይላ የቻዳግያ ሃያንቱ የአምናዳና የናንቱ ሃምማና ኮያማይ።



25. ሃያንቱ ምስካናንቱ የዎይና የምባ ጳ ፖላን ጋንታ ሴሶን የሳም የናንቱ ክጋሬኸናንቱ፤ የቲህካም ኤናዛራ ሴሶና ዳናም ጋርማቱ።

26. ኮዶን ኤናናንቱ የጋራዲምና የምባ ጳ ፖላን ጋንታኸም የሳ ሴሶናም የናንቱ ጋርማም።”

### የሱስሳ ጌጳምንዛራ አይሶ ጳጳዲና

27. ፕርካም ኬ የሩሳሌምዛራ ማታቱ ናእዲና፤ የሱስ ባርዮን ኦኖንሣ ጊብንሣ ኢሮጎ ያይቱ ክዳኸ ካህንናሳ ጋርናቤ፤ ኤና ሙሴ ዳምብን ኡካይናቤ ዛርስንሣ ዞንዛናቤ ክዛራ ናዴ ክግያ፤

28. “የራ ክናም ሃር ጌጳምኸ ሃዬ? የራ ክናም ሃየኸ ሃናንቱ ጌጳምን እማዳ ሃውቱ?” ኬያማዶ።

29. የሱስካም ማሳንቱ ኬግያ፤ “ይንዳ እንታካም የኸላ አይሶ ካላ እአይሴ፤ ይንዳ የቲህ እናንቱ ማስማቱ፤ እንታካም የራ ክናም ሃር ጌጳምኸ ሃይቱ እዶንም የናንቱ ጌያና እጌያይ ና።

30. የዋንስሳ ሻዮኖ ፖላሮኸም ኮናአዶኖ ሞ ኤዲ ካላንካ? ይንዳ የቲህ እናንቱ ጌይማቱ።”

31. ኬ ክጊያ፤ “ ‘ፖላሮኸና ዋምና’ ኖ ‘ታ ናንሢ ሃርናንቱ ኢም አምናን የጋራዴና!’ ዎግያ ክያማይ ና” ኬያማዶ።

32. ታ ‘ኤዲ ባራና’ ዋሜዬው?” ዛርስኖ ፓይላ የዋንስም ኤያ ባሪያሳ አፖን ጌያያ ጎንዳ ሃያንቱ ኮሼዳዶንታኸ ኬ ኩርቲንዲዲና።

33. አጋታኸ የሱስናንቱ “ዎቲህ ዴስማም” ሃማንቱ ኬ ማሲዲና። የሱስካም ኬግያ፤ “ታ አጎንታ ዳና እንታካም የራ ክናም ሃር ጌጳምኸ እያያይንም የናንቱ ጌይማምና” ክያማዶ።

### ኤና ዎይንን ሃምንም ይንዛራ ኤልቅንዳዳናሳ ዳይንሞኖ

#### ማርቆስ 12

1. ሃያንቱ ኖ ይንታ ሃማንቱ ኬናንቱ ዳይንሞኸ ጌያን ካርስዲና፡- “ኤዲ ካላ ይሳ ሃምሮጎ ዎይንን ሃቃን ኮርዲና፤ ዴምን ኮሳም ካርሚ ጫእዲና፤ አሎን ይንግዶር ኮም ጩባዳይንም ኮይዲና፤ አንሣን ይንግዶር ኮም ዳቃንዳይንም ካይዲና፤ ሃያንቱ ኤና ሃምን ዳቃናይናናንቱ ኤልቅማንቱ ፔ አብዛራ ያእዲና።

2. አፒን ይንካ ካማዳይኖ ዋዳኖ ኮየስካና፤ ዎይንን አፕን ክናንቱ ባአቱ ናጴኸናንቱ ይሳ ካይስና ግዶርካ ካላም ኤና ሃምን ዳቃናይናዛራ ይእስዲና።

3. ኮዶን ኬ ኤያም የዳንቱ ዳንቱ አን ጉሮ ይእስዲና።

4. ፕርካም ካይስና ግዶርካ ካላም ይእስዲና። ኬ ሜቱ ክሳም ፓካንቱ፤ ክንካ አልማንቱ ማስዲና።

5. ፕርካም ካይስ አብ ይእስዲና፤ አጋምካም ኬ ዴስዲና። አጎንታ ሃያንቱ ኖ ክይእሳዳና ካይስና ዋኒ ጴፅና ግዶርካ ኬሳ ዋኒም ኬ ዳይዲና ዋኒምካም ኬ ዴሲዲና።

6. ፕርካም ኖ ኤዲ አብ ክይእሳያ ዳይዲና፤ አጋኸም ክሳ ናሳ ክናሻያና፤ ኖ ‘ኬ ናሳ እሳም ጎባና ኬጎባይ’ ሃማንቱ ኤና ፓይላ ውልሳ ቱንሥሮ ይእስዲና።

7. ኮዶን ኤና ሃምን ዳቃናይና፤ ‘ካ ሃምን ዳላያና፤ ንማቱ ኪም ዎዴሴ፤ ሃምንም ዎቲ ዎዳሌ ና’ ክጊያ ኬያማዶ።

8. ሃያንቱ ኬ ኪም የዳንቱ ዴሲዲና፤ ኬ ዎይንን ሃምሮኸ ቡላንቱ ቡዶሮ ዳብዲና።

9. ታ ናንሢ ኤያ ዎይንን ሃምንሣ እምባ ሃር ክያየ ሃማንቱ የቃቤ? ኖ ናአና ክናአይ፤ ኤና ሃምን ዳቃናይናም ዴሳና ክዴሳይ፤ ዎይንን ሃምንካም ኤና ዋኒዛራ ኤልቅማና ክኤልቅማይ።

10. አፓ ዋርቃትሮ ይንታ ሃማያም የቲህ ናባባዳዬው፤ ኤና ኦኖን አሸካይና ይቦዋዳ ሱናስ አጋ አኖንሳ ጉራ ማቲዲና።

11. ጌጳ አጋም ሃይዲና፤ አጎኖኸም ዎሳ አፕንናንቱ ካልሎን የር ዋና ማቲዲና?”

12. ዳይንሣ ክጌያዳ ኬናንቱ ኮዶንም ኬ ይዴሳዶንታኸ ኪም የዳናንቱ ዛግዲና፤ ኮዶንካም ኬ ዛርስንም ይኩርቲንዳዶንናንቱ ኪም ጋራንቱ ያእዲና።

**ብታ ቁሳርናንቱ ግብርን ካሻዳይኖ**

- 13. ሃያንቱ ኪም ደላቅካ ዳብንሻናንቱ ኪ ፋራሳዊይናቤ ሄሮዶስ ኤናቤ ግድርካ ኤዲ ክዛራ ቡልዲና።
- 14. ኬኸኖ ናዴ ክግያ ይንታና ኪያማዶ፡- “አስታማራዮ፣ ያ ጎንዴ ኤዲ ሃድንም ዎቲህ ደስዲና፤ ኤናሳ ዎቲም ሃሼዲሞንታኸ ያ ኤዲም ፓሊማሞ፤ ባሪያሳ ጎይንም ሶጎ ጎንዴና ሃታማርሳይ፤ ኤሳንካ ቁሳርናንቱ ግብር ካሸንቶ ዛግሳሞ ኮዛግሳይኖ ሞ ዛግሳይ?
- 15. ኤ ዎቲህ ዎካሻያሞ ሞ ካሻን ዎጋሬ?” ኮዶን የሱስ ኪ ካይስንም ኤዲ ኪዶን ደሳሳንቱ፤ “የቲህ ሃርናንቱ ኢም ዳብንሻናንቱ የዛጊ? ይንዳ ዲናር ካላ እናንቱ ባአማቱ፤ እሼዴና” ኪግያ ክያማዶ።
- 16. ኬኸኖ ክናንቱ ባአቱ ናእዲና። ኖ ኪግያ “ካ ሃው ዎቲቱ? የራ ዛራን ኡካዳዳ ሃው ጋንታቱ ና?” ክያማዶ። ኬኸኖ ክግያ “ቁሳር ጋንቲና” ኪያማዶ።
- 17. የሱስካሞ ቁሳር ጋይናም ቁሳርናንቱ ባሪያ ጋይናም ባሪያናንቱ እምማቱ ና” ኪግያ ክያማዶ። ኬኸኖ ኪም የርሽዲና።

**ኪሞንቤ ዴምዲንባራ ዳጳንቤ**

- 18. አጋሳኸኖ ራስባራ ኤና ጃዳና ዴምዲንባራኸ ዳጳማሞ ሃማንቱ ጌያይና ሰዱቃዊይና ናዴ ይንታ ሃማንቱና ክካላ ኪአይሳይ፤
- 19. “አስታማራዮ፣ ኤዲ ካላሳ እንዳናሳ ሜ ኪማንቱ ናሶ አዲማ ክጂና፤ ኤያ አጋሳ ሜንም እንዳ ናሳ ኪማንቱ ሜቱ ክሳም ክዎይሴኸናንቱ ሙሴ ዎናንቱ ዋርቃትሮ ኡክዲና።
- 20. ታ ክሳ እንዳ ናና ሦጳና ዳና፤ ናሳ ቶይዳ ሜ ኪማንቱ ይሳ ሜቱም ዎይስማ ጃይዲና፤
- 21. እንዳ ናሳ ላንሣ ኤስንም ኪማንቱ እሼማሳ ሜቱም ዎይስማ ጃይዲና፤ ናሳ ማክንሳኸኖ ጎያ አጋኸ ጃይዲና፤
- 22. ናና ሦጳና ውል ኤስንም ኪምዲና፤ ኮዶን ኪ ፓይላ ውል ይሳ ሜቱም ዎይሳድማሞ፤ ቱንሥሮ ኤስኖ ጃይዲና።
- 23. ታ ናንሢ እንዳ ናና ሦጳና ፓይላ ውል ኤስንም ኪ ኪማዶንታኸ ቤሬ ዴምዲሮኸ ይዳጳና ሃው ሜ ኮዴና?” ክግያ ኪያማዶ።
- 24. የሱስካሞ ይንታ ሃማንቱና ኪናንቱ ክማሳዶ፡- “የቲህ ይንናንቱ የዳንባይኖ ዋርቃትና ጋዛናቤ ባሪያሳ ካንታንቤም የዴስሞንታኸና!
- 25. ኤና ጃዳና ዴምዲንባራ ይዳጳና ጳ ፖላሮን ዳና ባሪያሳ ኤርጎን ኤና ግያና ኪዳይ፤ ኪምማሞ፤ ኪማዲማሞ።
- 26. ኮዶን ኤና ጃዳና ዴምዲንባራ ኪዳጳይንም ባሪያ ቃዋሮ ‘እንታ አብራሃም ባሪያ፤ ይሳቅ ባሪያ፤ ያዕቆብ ባሪያና’ ክያማዶን ዋርቃትንሣ ኢሮጎ ሙሴ ክጌያዶን የቲህ ናባባዳዬው?
- 27. ባሪያ ኤና ሳዳንካ ዳና ባርዮና ኤና ጃዳና ባርዮ ትይማሞ፤ አጋታኸ የቲህ ጌጲ ዳምብዲና።”

**ኪሊማስ ጌጳ**

- 28. ኤና ሙሴ ዳምብን ኡካይና ግድርካ ኤዲ ካላ ናዴ ኪ ክትምካ ኤሳርዲና፤ የሱስ አይሳ ክካላ አይሳዳዳናንቱ ሙልስ ልክ ክእማዶንም ኤያ ጳቅሳንቱ ክግያ፤ “ኤሳንካ ዳምብና ጌይዳዳና ግድር ውል ካላ ሳጋ ዳምባ ሃማቱ?” ሃማንቱ አይስዲና።
- 29. የሱስካሞ ይንታ ሃማንቱ ክናንቱ ማሲዲና፡- “ዳምብና ውል ካላ ሳጋ ዳምባ ካና፤ ‘ያ እስራኤል ኤሳርማ፤ ጌጳ ዎሳ ባሪያ፤ ባርዮ ካላና፤
- 30. ያኸኖ ባሪያ ሃሳ ጌጳም ሃሳ ዎይላምሮኸ ቡላቱቤ፤ ሃሳ ሳዳንካቤ፤ ሃሳ ቃቦንካቤ፤ ሃሳ ካንታንካቤ ናሽማ።”
- 31. ዳምባ ላንሣኸኖ ካና፤ ‘ሃሳ ጉልን ኤናም ፓይላ ሃም ሃናሻያግያ ናሽማ።’ ዳምብና ክናሳ አባራ ዳምቤ ሳጊ ቆልማሞ።”

- 32. ኤያ ሙሴ ዳምብን ኡካያ ክግያ ይንታና ክያማይ፡- “አስታማራዮ፣ ያ ልኪና ሃይያይ፣ ኖ ካላ ሶጎ ክዶንቤ ክሳ አባራ ባርዮ አብ ኮቆልሞንቤ ሃይያዳ አጋ ልኪና ሃይያይ።
- 33. ኪም ሃሳ ዎይላምሮኻ ቡላቴቤ፣ ሃሳ ቃቦንካቤ፣ ሃሳ ካንታንካቤኻ ናሻዳይኖ፣ ሃያንቴ ሃሳ ጉልን ኤናም ሃም ሃናሻያግያ ናሻዳይኖ ቆላቤ የራ ባሪያ ናንቴ ኮቃዳይና ፓይላቤ የራ ዋኒ ባሪያናንቴ እንዳይናቤሳ ሳጊና።
- 34. የሱስካሞ ክናንቴ ኤያ ጎንዴ ክማሳዶን ሼዳንቴ ኤያ ግያ፣ “ያ ባሪያሳ ማንግስትን ካላ ፔጌ ትማሞ ሃዶና” ክያማይ። አጋሳ ራስባራ ኤዲ ክካላ አይሶ አይሳናንቴ ዛጋዳ ቆልማሞ።

**ክርስቶስ ሃው ናሶቴ?**

- 35. የሱስ ባርዮን አኖንሣ ሻንሮጎ ይታማርሳን ዋዳንካ ይንታ ሃማንቴና አይሶ ክአይሳይ፣ “ኤና ሙሴ ዳምብን ኡካይና ክርስቶስ ዳዊት ናሶና ሃስ ኬያሜ?
- 36. ዳዊት ይባራንካ ኡስን ጋዛንካ ክሳ ጌይዲ፣ “ጌጳ ጌጳ እሳናንቴ፣ ርጋላ ሃሳም ሃሳ ራንሣ ሾባራ እሳ ሃያዛራ ያ እሳ ምዛቅባራ ዳርቅማና” ክያማይ።
- 37. ታ ናንሢ ዳዊት ‘ጌጳ እሳ’ ክያማዳና ሃስ ዳዊትሳ ናሶ ክዴ?” ዛርስኖ ጴጥኖኻሞ ኪም ዋዛኻ ኤሳርቴና ኮዶ።
- 38. ኖ ኬም ይታማርሳን ዋዳንካ ኬግያ ይንታና ክያማይ፡- “ኤና ሙሴ ዳምብን ኡካይና ካላንካ የም ማንክማቴ፣ አፓላን ጉድጵንም አርሳንቴ ያያና ኬዛጋይ፣ ጋባን ጳልና ግዶር ጎብንታ ጌሶና ኬዛጋይ፣
- 39. አይሁድናሳ ምስኮን አኖሮ ቦርኮቶና ዓልና ኬዛጋይ፣ ድግስን ራቅሮ ጎብንታ ራቂና ኬዛጋይ።
- 40. ካይስንሦ ባሪያም ጉዱጵ ምስክቴ ሜና ዳልሶናሳ አኖኒና ኬቡራይ፣ ኬ እግናዛራኻሞ ዳባሞኖ ካዳይኖ ሳጊና።

**ኤስን ዳልሶኖ ብራ ኮእማዳ**

- 41. የሱስ ይንግዶር ብሬን አርሳዳን የርንካ ልኪ ዳርቃንቴ፣ ኤዲ ጴጥ ባርዮን አኖንሣ ብሬን ይንግዶር አርሳዳን ሳጥንንዛራ ብሬን ኬአርሳይንም ሼድቴና ክዶ። ኤዲኖ ዎድሞኖ ጴጥ ብሬ ጴጥ አርስዲና።
- 42. ኮዶን ኤዲ ሜ ዳልሶ ኩውፒ ካላ ሳንቲም ካላ ኻላ ሳግምና ናስን ግዶርካ አሽካዳዳናም ሳንቲም ላማ ሳጥንሣ ኢሮ አርስዲና።
- 43. የሱስካሞ ይሳ ታማርና ግስማንቴ ይንታና ክያማይ፡- “እንታ የናንቴ ጎንዴና እጌያይ፣ ኤስኖ ዳልሶኖ ኩውፒኖ ኮኖ ኤና ውል ካላ ሳጊና ኮእማይ።
- 44. ኤና ክና ፓይላ ኮይሶን ይሳ ጴጥን ዶሮኻ ቁታና ኬእማይ፣ ኮዶን ና ኩውፒ ዳአንቴ ይሳ ዳናም ፓይላ ቡላንቴ እኒ ይንካ ይዳንግያንዳናም ፑጭ እምዲና።

**ፔንሣ ቱንሥሮ የራ ሃማይና**

**ማርቆስ 13**

- 1. ኖ ባርዮን አኖንባራ ክውታና፣ ክሳ ታማርና ግዶርካ ካላ ክግያ፣ “አስታማራዮ፣ ሱንና ሃምንታ ኬዶንቤ፣ አኖኖኻሞ ሃምንታ ጎብ ኮዶንም ሼድማ ና” ክያማይ።
- 2. የሱስካሞ ማሳንቴ ክግያ፣ “አኖና ጌጲ ጌጲና ክናም ሃፓው ሃያፓይ? ሱና ዋ ዋዛራ አጋንታ ይዳዛራ ዳማሞ፣ ፓይላ ውል ኮስማና ኬኮስማይ ና” ክያማይ።
- 3. የሱስ ባርዮን አኖንካ የካ ዳብሬ ዘይት ጌማርታዛራ ዳርቃንቴ ክዳኻ፣ ጴጥሮስቤ፣ ያዕቆብቤ፣ የዋንስቤ፣ እንድርስቤ ይንታ ሃማንቴና ክካላ ኬአይሳይ፡-
- 4. “ይንዳ ዎናንቴ ጌይማ፣ የራ ክና ፓይላ ሃ ኬያሜ? የራ ክና አኻራ ኬያምማ የራ ሃማያ ሃርቴ?”
- 5. የሱስ ኬግያ ይንታ ሃማን ካርስዲና፡- “ኤዲ ካላኻሞ የም ሱዳን ኮጋሬኻናንቴ የም ማንክማቴ፣

6. ኤዲኖ ጵፅኖ 'እንታ ኖና' ሃማንቴ እሳ ናብንካ ናአና ኮናአይ፤ ኤዲ ጵፂምካሞ ሱዳና ኬሱዳይ።
7. ባንቆንቤ ባንቆንቤሳ ዴላቅ የኤሳርና የቃሥምናኖ፤ አጎኖኸሞ ሃምማና ኮያማይ ካላኸሞ ሽጲማሞ፤ ኮዶንካሞ ቱንሥኖ አኸራና።
8. ቶርስኖ ዋ ቶርስን ዋዛራ፤ ማንግስት ዋ ማንግስት ዋዛራ ዳጳና ኮዳጳይ፤ ራቅ ጵፅ ግዶር ዚጋንቤ ዳቆቤ ዳና ኮዳይ፤ ጋሎና እግና ፓይላ አኸራ እሚማንሣ ካርሲና።
9. ኮዶን የቲህ የናንቴ ፓኸልጲማቴ፤ ኤና የም ኤና ብቶን ታኸይናናንቴ ሳስካንቴ እማና ኬእማይ፤ አይሁድናሳ ምስኮን አኖን ግዶር የም ዳና ኬዳይ፤ እሳ ማኚ የዴኸናንቴ እሳ ናብንካ ሃማንቴ ኤና ፔንሣ ጋርናቤ ኤና ፔንሣ ብትናቤሳ ዎትሮ ዎያና የዎያይ።
10. ኮዶን ብርሳንቴ ቶርስን ፓይላ ውል ናንቴ ዴላቅን ፃሊንም ኮጌይዴ።
11. የም የዳንቴ ብቶንዛራ ባዳያ ዋዳስካ ሳአታ አጋኸ የናንቴ እንዳይናም ጌይማቴ፤ ሃር ዎጌይ ሃማንቴ ብርሳንቴ የቃብምናኖ፤ ዴላቃይኖ ኡስኖ ጋዛኖና የቲህ ትማሞ።
12. እንዳ ናሳ ይሳ እንዳ ናሳም፤ እንባኸሞ ይሳ ናሳም ዴሳዴኸናንቴ ሳስካንቴ ኪም እማና ኬእማይ፤ ናናኸሞ እምባናቤ እንዳናቤናንቴ ኤሳርማሞ፤ ኪምኸሞ ዴሳና ኬዴሳይ።
13. የቲህ እንካ ሃማንቴ ኤዲ ፓይላ ውልካ ቶዛዳድዳና የዳይ፤ ኮዶን ኤያ ቱንሥንዛራ ዋቻዳዳ ዳቃና ክዳቃይ።
14. 'ካዮን ሲያሞን' ዎያዲሞን ራቅሮ ዎያንቴ የሼዳያ ዋዳስካ፤ ዋርቃትን ናባባዳ ክዶቅቤ፤ ኤና ይሁዳ ግዶር ዳና ጌማራዛራ ኬጎቤ።
15. ኤያ አኖንሣ ዱርሮን ዳኸሞ ሃንቻን ክጋሬ፤ ኮይና ኢሮን ዳናም ቡላናንቴ ይሳ አኖንዛራ አርዳን ክጋሬ።
16. ኤያ ይሳ ሃምሮን ዳኸሞ አፓላን ይሳም ቻናንቴ አኖንዛራ ማታን ክጋሬ።
17. ሮሮና እግናኸ ሜና ሲርማናቤ ሜና ናናም ቆአሻይናቤናንቴ ሃይ!
18. ጋሎኖ አጎኖኸሞ ባርግን ዋዳንካ ዳአን ኮጋሬኸናንቴ ምስክማቴ።
19. ቤሬ አጎኸ አና ብራንቴ ባሪያ ፔን ክዎዳዳኸ ካርስንቴ ካ ዎዳዛራ ሃያንቴ ቤሬ ብራዛራኸሞ ይንካን የክንሣጲማን ቆልማ ጋሎ ጌጲና ኮዳይ።
20. ጌጳ እኒ ሮሮናም ክዴድሳድምና እኒ ኤዲ ካላኸሞ ዳቅማሞ፤ ኮዶን ኤና ካማዳዳና ኖ ይናንቴ ይካማዳናናንቴ ሃማንቴ ኖ ሮሮናም ዪድስዲና።
21. ዋዳ አጋኸ ኤዲ ካላኸሞ የግያ 'ክርስቶስ ኮታሪና ክዶ' ዎይካሞ 'አጎታሪና ክዶ' ክያምና የአምኒናኖ።
22. ፖጋሞን ኤና ክርስቶሲናቤ ፖጋሞን ኤና ባሪያሳ አፖን ጌያይናናቤ ዳጳንቴ፤ የራ ሃሚማን ግያንዳናምቤ የራ ሃሊናቤም አሸካንቴ ኬ ይቻላያዳና ኤና ካማዳዳናም ካውል ሱዳና ኬሱዳይ።
23. አጋታኸ ፓኸላ ዳማቴ፤ አኸራ ዋዳኖ ኮየስክማ እንታ የናንቴ ጌይዲና።
24. ቤሬ ዋዳ አጋኸ ጋሎን አጎሳ ራስባራ ሓዮኖ ፅፓና ኮፅፓይ፤ አርፒኖኸሞ ሮጲማሞ፤
25. ኤዚናኸሞ ፖላንባራኸ ቲርካና ኬቲርካይ፤ ፖላንሣ ካንታናኸሞ ዋጃና ኬዋጃይ።
26. ዋዳ አጋኸ ኤዲ ናሶ ካንታ ጌጲካቤ፤ ጎሺንቤኸ ማታንቴ ሉፒንካ ክናአይንም ሃፓና ኬያፓይ።
27. ኖ ይሳ ኤርጎን ኤናም ጎእሳንቴ፤ ፔንሣ ማራና አይድና ባራንካ፤ ፔንሣ ማራሮኸ ካርሳንቴ ፖላንሣ ማራንዛራ ኤና ክናንቴ ካንዳዳናም ፑኡሻና ኬፑኡሻይ።
28. ዳይንሣም ባለስን ሃቃስ ካላ ታማርማቴ፤ አንትና ጫጋን ኬካርስናቤ፤ ቃልጳና ኮዳን ኬካርስና ባርግኖ ኮየስካዶንም የቲህ ዴሳና የዴሳይ፤
29. ሃያንቴ የራ እግና ሃምማን ኬካርሳዶን የያፒና፤ ክሳ ናእንቶኖ ኮየስካዶንቤ ኖ የሳ ሻንን ካላ ክሳናዶንም ዴስማቴ።
30. እንታ የናንቴ ጎንዴና እጌያይ፤ የራ እግናሳ ሃምማዛራ ሃርያኖ ኮኖ ሳግማሞ፤
31. ፖላንቤ ፔንቤ ሳጋና ኬሳጋይ፤ ኮዶን ዴላቅኖ እሳ ሳግማሞ።

**ሮራቤ ሳኦታቤሳ ናእንቶንም ደሳዲማም**

- 32. ኮዶንካም ሮራ አጋም ወይካም ሳዓታ አጋም ባሪያ ወምባሳ አባራ ጳ ፖላሮን ዳና ኤርጎን ኤና ወይ ናሳ ዳናኻም ኤዲ ካላኻም ደስማም።
- 33. አጋታኻ ዋዳስ ሃ ክናአይንም የደስሞንታኻ፣ የም ማንክማቴ፣ ዋቻዳንቴኻም ምስክማቴ።
- 34. አጋኻም አኖን ይሳም ካይስናናንቴ ጋራንቴ፣ ካይስናምኻም ኬሳ ዋድማናዛራ አርሳንቴ፣ ዳቅማን ኤያ ዋቻዳንቴ ክዳቃኔኻናንቴ ኤልቅማንቴ ያአዳ ኤዲና ክታኻይ።
- 35. ታ ናንሢ ኤያ አኖን እምባ እባንን ወይካም ግዶጋልት ወይካም ባቻና ኬኤሊካ ወይካም ፔንሣ ሶፅም አፖ ክናአይንም የደስሞንታኻ ዋቻዳንቴ ዳቃንማቴ፣
- 36. የደስማ ናዴ ራታንቴ የዳኻ የም ሃፓን ክጋሬ!
- 37. የናንቴ የራ እጌያዳናም ኤና ፓይላ ውልናንቴ ጌያና እጌያይ፡- ዋቻዳንቴ ካልማቴ!”

**ኤስኖ የሱስም ዋኦቲንካ ቃዳዶኖ**

**ማርቆስ 14**

- 1. ፋስካንቤ ባላሻንቤ ባዓላ የስካናንቴ ሮሮ ላማ ኮሽዳና ካህንናሳ ኤና ጋርናቤ ኤና ሙሴ ዳምብን ኡካይናቤ ጋሮኻ የሱስም የዳንቴ ጎይ ይንካ ኪም ይዴሳያ ዛግቴና ኬዶ።
- 2. ሃያንቴኻም “ዛርስኖ ወዛራ ደላቅ ዛርቦ ዳሳን ኮጋሬኻናንቴ ባዓል ሮሮ ዳን ኮጋሬ” ሃምቴና ክጊያ ኬዶ።
- 3. ኖ ቢታንያ ግዶር ሙልካንባን ኤያ ስምአን ሃንዳያ አኖሮጎ ዳርቃንቴ እስምቴ ክዳኻ፤ ሜ ካላ ሻንንሣ ዋቸን ናርዶስ ሃማንቴን ግስንዳን ዋኦቲን ጫንቃላማ አልባስጥሮስ ቃርምሽካ ባአንቴ ናእዲና፤ ና ቃርምሻም ዴሳንቴ ክሳ ሜቴሮ ዋኦቲን ይንቅስዲና።
- 4. ኤና አጎታር ዳናሳ ዋኒ የራኻ ዳጋሳንቴ ክጊያ ይንታ ሃምቴና ኬዶ፡- “ዋኦቲንም ሱን ሃርናንቴ ካይሳዴ?”
- 5. ዲናር ማቶ ማካንሣ ጳባራ ሻንሻንቴ ብሬናም ኤና ኩፕናናንቴ እኒ እማናንቴ ቻላና ቻልዳይ ሃማንቴ ኤስንም ኬ ጂቢዲና።
- 6. ኮዶን የሱስ ይንታና ኬግያ ክያማዶ፡- “ኮም ጋርማቴ፤ ሃርናንቴ ኮም የጋልንሼ? ና የር ገል እናንቴ ሃይዲና።
- 7. ኤና ኩፕና ሮሮ ውል የላማና ኬዳይ፤ ሮራ የዛጋያኻ ኬም ኬልሻናንቴ ቻላና የቻላይ፤ ኮዶን እንታ ሮሮ ውል የላማ ክንካ ዳማም።
- 8. ና እናንቴ ሃያናንቴ ይቻልዳግያ ሃይዲና፤ እሳ ዱክንናንቴ ኮዴኻናንቴ ብርሳንቴ ና ኢም ቃዲዲና።
- 9. እንታ የናንቴ ጎንዴና እጌያይ፤ ደላቅን ገሊን ኮም ፔን ጋላፕንሣ ራቅና ይንግዶር ጌይዳይና ውል ግዶር የራ ኮያያዳም ይንካ ኮም ደቅሳንቴ ኮሳ የር ጌያና ጌይዳይ።”
- 10. አጋሳ ራስባራ ታማርና ክሳ ታጲ ላማና ግዶር ካላ አስቆሮቱ ፔን ጋንታ ይሁዳ ኪም ሳስካንቴ እማናንቴ ኤና ካህንናሳ ጋርናዛራ ያእዲና።
- 11. ኬኻም እግናም ይኤሳራና ዋዘንዲዲና፤ ክናንቴ ብሬ እማናንቴ ናሽዲና፤ አጋታኻ ኪም ይንካ ሳስካንቴ ይእማያ ዋዳ ልኪ ሃማ ዛግቴና ክዶ።

**ጌዳሳ እባንን ዳአንኖ**

- 12. እያታ ፋስካን ጋንታም ይንካ ማቻዳያ ባላሻን ባዓላሳ ሮራ ካርሳ ጋላ ታማርና ክሳኻም ክካላ ናዴ ክግያ፤ “ፋስካንሣ እባንን ዳአኖን ሃናንቴ ሃንታር ወአሽኬኻናንቴ ሃዛጌ ና?” ኬያማዶ።
- 13. ኖኻም ታማርና ይሳ ላማም ይንታ ሃማንቴና ክይእሳዶ፡- “ካታማንዛራ ይማቴ፤ ኤዲ ዳንካ ኑንቆን ባስክሳዳ የላማ ኬራና ክኬራይ፤

14. እና ይዛራ ክእርዳያዛራ ኪም ጫግማቱ፤ ኤያ አኖንሣ እምባግያ፤ ‘አስታማራ፤ “እሳ ታማርና ላማ ፋስካንሣ እባን ዳአኖንም ይንግዶር እሣያ ቸችና ይዎድማያ ራቃ ሃማቱ?” ሃምዲና ሃምማቱ፤
15. ኖ አኖንሣ እና ጳባራን ዳ ግዶር ራቅ ዎርሪ ዴጴ ይንግዶር አፓድኻ ይዳ የናንቱ ዳዋና ክዳዋይ፤ አጋሮ ዎናንቱ አሽክማቱ።”
16. ታማርና ክሳኸሞ ዉታንቱ ካታማንዛራ ያእዲና፤ የራ ፓይላ ውል የሱስ ክጌያዳግያ ሃምማንቱ ኬዳኻ ኬ ሃፕዲና፤ ፋስካን ዳአኖንም አሽክዲና።
17. ኮእባናና የሱስ ታማርና ይሳ ታጲ ላማና ላማ ክንካ ናእዲና።
18. እሥማናንቱ ዳርቃንቱ ኬዳኻ፤ ኖ ኬግያ “እንታ የናንቱ ጎንዴና እጌያይ፤ የሳ ባክሮ ካላ እላማ ክንካ እሥማያ አጋ ኢም ሳስካንቱ እማና ክእማይና” ክያማዶ።
19. ኬኸሞ እልል ጃይዲና፤ ኬ ፓይላ ካላ ካላኸ ክግያ “ኬዳ እንታው እዳይ?” ሃማን ካርስዲና።
20. ኖ ኬግያ ይንታና ክያማዶ፡- “ታጲ ላማና ግዶር ካላ እላማ ክንካ ሻርቃንሳ ኢሮ አንን አርሳያ አጋ ኖና።
21. ኤዲ ናሶ ዋርቃትሮ ክሳ ኡካዳዳግያ ያአና ክያአይ፤ ኮዶን ኤያ ኤዲ ናሶም ሳስካንቱ እማያ አጋናንቱ ሃይ! ኤያ አጋም እኒ አዳድድምና ክናንቱ ባሺና ኮዳይ።”
22. ኬእሥምካኸሞ ባላሻንም ቻንቱ ፑጋንቱ ቁንፃንቱ ታማርና ይሳናንቱ እማንቱ፤ “ችማቱ፤ ኮኖ እሳ ዋኖና” ኬግያ ክያማዶ።
23. ሻርቃንካም ዳሳንቱ ፑጋንቱ ኬናንቱ እምዲና፤ ኬ ፓይላ ውል ኮግዶርካ ውጭዲና።
24. ሃያንቱ ኬግያ ይንታና ክያማዶ፡- “ኮኖ ኤዲ ውል ናንቱ ይንቅማይኖ ቃሽን ማአስኖ እሳና፤
25. እንታ የናንቱ ጎንዴና እጌያይ፤ ባሪያሳ ማንግስትሮ ዎይንን አፕን ሃሊን እውጫያ ሮራሳ የስካዛራ፤ ናንሢ ካሳ ራስባራ እንታ ኮታርካ ውጭማሞ።”
26. ዋርሳ ዳሳንቱ ቱንሥሮ ዳብሬ ዘይት ጌማርታዛራ ኬ ዉቲዲና።

**ጴጥሮስ እንታ ኪም ጴስማሞ ሃንቱ ክዜርማንም የሱስ ብርሳንቱ ጌይድና**

27. የሱስ ኬግያ ይንታና ክያማዶ፤ ይንታ ሃማንቱ ዋርቃትሮጎ ኡካዳዳግያ የቲህ ፓይላ እግያ ዎትይ ኪም ጴስማሞ ሃንቱ ዜርማና የዜርማይ፤ ግሽሞን ኤም ዳና እዳይ እያናካሞ ላልማና ኬላልማይ።”
28. ኮዶን እዳዲና ዩም ብራንቱ ገሊላዛራ ያአና እያአይ።”
29. ጴጥሮስካም ኤና ፓይላ ሃም ጋራንቱ ኬላልማዳናኸሞ እንታ ሃም ጋራንቱ ይማሞና ክያማዶ።
30. የሱስካም ጎንዴና ሃናንቱ እጌያይ ሶታ ካካ አካራ ባቻና እይ ላማ ኬኤልማ እይ ማካም እንታ ኪም ጴስማሞ ሃማንቱ ዜርማና ሃዜርማይና ክግያ ክያማዶ።
31. ጴጥሮስካም ሃላማ ክንካ ጃዳያዳናካም ካላካም እንታ ሃም ካላኸሞ ጋራንቱ ይማሞ ሃማንቱ ጌይዲና ታማርና ዋንካም ፓይላ አጎንታ ሃምድና።

**የሱስ ጌቱሴማኒ ግዶር ምስክድና**

32. አጋሳ ራስባራ ራቃ ጌቱሴማስኒያ ሃንዳያዛራና ኬያአዶ፤ የሱስካም ይሳ ታማርና ግያ እንታ ቃልቱ እምስኬ የቲህ ኮታር ዳርቅማቱና ኬግያ ክያማዶ።
33. ጴጥሮስቤ፤ ያዕቆብቤ፤ የዋንስቤም ይንካ አንሳንቱ ያእድና፤ ካሎን እልል ጃንቱ ቃብማን ካርስድና።
34. ሃያንቱ እሳ ሳዳኖ እሳ ጃዛራ ካሎን እልል ጃይድና፤ የቲህ ካሮ ዋቻዳንቱ ካልማቱና ኬግያ ክያማዶ።
35. ሾል ያአግያ ሃያንቱ ኮቻሊማያዳና ዋዳስ አጋ ክካላ ክሳጌኸ ናንቱ ምስካንቱ፤
36. አባ አባዮ የር ፓይላ ውል ሃናንቱ ኮቻሊማንታኸ፤ ጋላካም እካላንካ ፔግንስማ፤ ኮዶንካም እንታ እቃባዳግያ ዳን ኮጋሪ ሃያ ሃቃባዳግያ ኮዴና ክያማዶ።

- 37. ማታቱ ክንና ታማርና ክሳ ፓይላ ዎዳንቲ ኪዳኻና ክያፓዶ፤ ጴጥሮስ ግያኻም ይንታና ክያማዶ፤ ስምኡን ያዎዲድው? ሳኦት ካላ ናንቲ ኪኪራዳያ ሃም ባሺድው?
- 38. ጋሎንዛራ ኦርዳን ጋራናንቲ ዋቻዳማቲ ምስክማቲ፤ ኡስኖ ሼኪምና ኮዶን ዋኖ ዎሳ ካንታ ቃጃና።
- 39. ፕርካሞ ቃልቲ ምስካ እን ብራን ይምስካዳም ማሳንቲ ምስክድና።
- 40. ፕርካሞ ማታቱ ክንና ኦፕ ኪሳ ኮግይዳኻ ዎዳንቲ ኪዳኻና ክያፓዶ፤ የራ ክናንቲ ማስቲይዳናም ኪ ዴስማም።
- 41. እያ ማክንሳም ናዴ ይንታና ኪግያ ክያማዶ፤ ታካሞ ዎዳንቲ የኡኩንሳዳዘራው የዶ? የክድና! ዋዳናኖ የስክድና ኤዲ ናሶም ሴሶን ኤናሳ ኦንሮ ሳስካንቲ እማና እንዳይ።
- 42. ዳዲማቲ ዎኤ እም ሳስካንቲ እማያ ናእድና።

### **የሱስም የዳዲዲና**

- 43. ኦጋዛራ ሃሳውቲ ክዳኻ ታማርና ክሳ ታዲ ላማና ግዶር ካላ ኦስቆቲ ፔንጋታ ይሁዳ ናእድና፤ ክላማካም ክንካ ሃልፓንቤ ቁራንቤ የዳንቲን ዳና ካይናሳ ኤና ጋርናቤ ኤና ሙሴ ዳንብን ታማርሳይናቤ ዛርስናሳ ዞንዛና ካላንካ ንእሳዳዳ ኤዲ ዳፅና ዶኖ።
- 44. ሳስካንቲ እማያካም እንታ እሱንቃያ ኦጋ ኖና ኪም የዳንቲ ፃሊ ኦንስማቲ ሃማንቲ ብርሳንቲ ኪናንቲ ጌይድና።
- 45. ይየስካናካም ኦጋዛራ የሱስዛራ ናዴ፤ ኦስታማራዮ ሃማንቲ ኪም ሱንቅድና፤
- 46. ኤናካም የሱስም የዳንቲ ዳክድና።
- 47. ክካላ ኤና ዎያንቲ ዳና ግዶር ካላ ሃልፓን ጉቻንቲ ካይናሳ ኤና ጋራሳ ካይስታሳ ቃሞን ታክድና።
- 48. የሱስ ኪግያ ይንታና ክያማዶ፤ ቃው ኤዲ የዳያግያ ብላ ባቻንቤ ቁራንቤም ባኦንቲ እም የዶታው የናኦዶ?
- 49. ሮሮ ውል ባርዮን ኦኖንሳ እሮ ታማርስቲ የላማ ክንካ እዶን የቲህ እም የዳድምን፤ ዋርቃትሮ የራ ኡካዳዳና ኪያሚኻ ናንቲ ኮኖ ፓይላ ውል ሃምድና።
- 50. ዋዳስ ኦጋኻ ፓይላ ውል ኪም ጋራንቲ ላልምድና።
- 51. ይም ክጫናንቲ ጫርቄ ሾልጮ ዳክዳንቲን ዳ ናሶ ባርሻ ካላ የሱስም ጫግቲና ክዶ። ኤናካም ናሳ ባርሻ ኦጋም ኪየዳና፤
- 52. ጨርቃ ይዳክዳዳም ዳባንቲ ፑርድንቆ ኅብቲ ያእድና።

### **የሱስ ኤና ብቶን ታካይናሳ ዎትሮ**

- 53. የሱስም ካይናሳ ኤያ ጋርናዛራና ኪንሳዶ፤ ኦታር ካይናሳ ኤና ጋርናቤ ዞንዛናቤ፤ ኤና ሙሴ ዳምብን ታማርሳይናቤ ፓይላ ፑጭድና።
- 54. ጴጥሮስ ፔጌካ ጫጋዳቲ ኤያ ካይናሳ ጋራ ሞሮንዛራ ኦርዳንቲ ኦጎታር ኤያ ካይናሳ ጋራሳ ካይስና ላማ ኖን ሾሊንዳቲና ክዶ።
- 55. ካይናሳ ኤና ጋርናቤ ኤና ብቶን ታካይናቤ የሱስም ዴሳናንቲ ኤዲ ክዛራ ማኛም ዎያያና ኪዛጋዶ፤ ኮዶንካም ኤዲ ማኻ ሃፓናንቲ ኪ ቻሊድማም።
- 56. ኤዲ ዳፅ ክዘራ ማኛምን ኪዎያዶንካም ኦፖ ኪሳ ኪም ጋኦድማም።
- 57. ኤና ዋን ይንታ ሃማንቲና ፖጋሞኻ ክዛራ ኪታርጃዶ፤
- 58. ኤያ ካሃ ኤዲ ኦንካ ባሪያ ኦኖን ኦሽካዳዶንም ኮሳንቲ ሮሮ ማካንሳ እር ኤዲሳ ኦንካ ኦሽካዳድማ ኦኖ ኦብ ዎይሳና እዎይሳይና ሃማንቲ ክጌያዶን ዎትይ ኤሳርዲና።”
- 59. ኦጎንታ ሃንዶኻ ታኻም ኦፖ ኪሳ ኪም ጋኦድማም።
- 60. ካይናሳ ኤያ ጋራ ዳደንቲ ክሳ ዎትሮ ዎያንቲ፤ ኤናሳ ሃዛራ ታርጃዳይኖ ኮኖ ሃርቲ? ሃርቲ ኪናንቲ ኦፖ ሃማስሞኖ? ሃማንቲ የሱስ ካላ ኦይሰድና።

- 61. ኮዶን የሱስ ታካሞ ጫክ ሃማንቴና ክዶ፤ ካላካሞ አፖ ኬዛራ ማሳድማሞ፤ ኤያ ካይናሳ ጋራ ፕርካሞ ጌዳ ናሳ ክርስቶስ ያው?" ሃማንቴና ክላሳዶ።
- 62. የሱስካሞ ይኒ እንታና፤ ኤዲ ናሶ ብታሳ ምዛራቅባራ ዳርቃቴ፤ ፖላንሳ ሉፒንካኻሞ ክናአይንም ሃፓና የያፓይና ክያማዶ።
- 63. ኤያ ካይናሳ ጋራካሞ አፓላን ይሳም ሃአሳንቴ ይንታ ክያማዶ፤ ካሳ አባራ ማኛሞ ሃሳማ ዎዛጌ?
- 64. እርሞና ክሳም የቲህ ኤሳርድና፤ ታ የካላ ናንስ ሃር ኮታኬ?"፤ ኬካሞ ዴሳዴ ሃማንቴ አፖ ካላኻ ክዛራ ብቶን ታክድና።
- 65. ዋዳ አጋኻ ኤና ዋን ክዛራ ፓፅን ማማን ካርስድና፤ አፕ ክሳም ክጫንቴ ኪም ዶቅቴ ይንዳ ሃም ዳዳ ሃውቴ ዎናንቴ ጌይማ!" ሃሚቴና ኬዶ። ካይስናኻሞ ኪም ጫአዳቴ አንስድና።

**ዴፕሮስ የሱስም እንታ ዴስማሞ ሃምድና**

- 66. ዴፕሮስ ግብንሳ ችባራባራ ክዳኻ ኤያ ካይናሳ ጋራሳ ሜና ካይስና ግዶር ካላ ክዛራ ናእድና፤
- 67. ዴፕሮስ ኖን ካሾልዲካ ሃፓንቴ ኪም ላይ ሼዳንቴ ያኻሞ ናዝሬት ግዶር የሱስ ላማ ክንካና ሃዶና ኮያማዶ።
- 68. ኮዶን ኖ ሃጌያን ኦጎም እንታ ዴስማሞ እናንቴ አርድማሞካሞ ሃማንቴ ዜርምድና፤ ሃያንቴ ሙዳፖን አርደንዛራ ያእድና ዋዳን ኦጎካ ባቻና ኤልድና።
- 69. ካይስቶኖካሞ ኤና ኦጎታር ዎያንቴ ዳናግያ ኤያ ካኻሞ ኬግዶር ካላ ሃማንቴ ፕርካሞ ጌይድና።
- 70. ኮዶን ፕርካሞ ኖ ዜርምድና። ዋዳ ቶካሳካሞ ራስባራ ኤና ኦጎታር ዎያንቴን ዳና ዴፕሮስ ግያ ገሊላ ኤዲ ሃዶንታኻ ያሃካሞ ኬሳ ካላና ኬያማዶ።
- 71. ኮዶን ኖ ኤያ የጌያያ አጋም እንታ ዴስማሞ ሃማንቴ አሺንሻንቴ ኪም አሻንካሞ ካርስድና።
- 72. አጋዛራ ባቻ እያ ላንሳም ኤልድና፤ ዴፕሮስካሞ አካራ ባቻ ኬኤልማ እይ ማካም እንታ ኪም ዴስማሞ ሃማንቴ ዜርማና ሃዜርማይ ሃማንቴ የሱስሳ አፖ ጌያዳዳ ክናንቴ ዶቅ ሃምድና። ሃያንቴ ጌዲ ኤፍድና።

**የሱስ ዲላጦስሳ ዎትሮ**

**ማርቆስ 15**

- 1. ቡር ዋዳ ካይናሳ ኤና ጋርናቤ ዞንዛናቤ ኤና ሙሴ ዳምብን ታማርሳይናቤ አይሁድናሳ ኤና ብቶን ታካይናቤ ፓይላ ክንካ ሃሳሞንቴ የሱስም ዳኻንቴ አንሳቴ ቃልቴ ዲላጦስ ናንቴ ሳስካንቴ እንዲድና።
- 2. ዲላጦስካሞ ያ አይሁድናሳ ብታው? ሃማንቴ አይስድና፤ የሱስካሞ ያ ጌይድና፤ ሃማንቴ ክናንቴ ማስድና።
- 3. ካይናሳ ኤና ጋርናካሞ የር ዱፅካ ኪም ቤርንስድና።
- 4. ዲላጦስካሞ ሃርቴ ይናንቴ አፖ ሃማስሞኖ? ኤና ሃም የር ዱፅካ ቤርንስቴና ኬዶ ሃማንቴ ፕርካሞ አይስድና።
- 5. ኮዶን የሱስ አፖ ካላካሞ ማሳድማሞ ዲላጦስ ናንቴ የር ዋና ማትድና።
- 6. በዓልን ዋዳንካ ዛርስንሳ ኬናንቴ ቡልዴኻ ናንቴ ዳክን ኤያ ኬዛጋያ ቡልዳያ ዳምብ ኬሳ ዳይድና።
- 7. ዋጭንካ ሃማንቴ ኤና ኤዲን ዴሳዳ ጋሮን ኤና ላማካሞ ክንካን ዳካዳዳ ባርባን ሃማንቴን ግስንዳያ ኤዲ ካላ ዳይድና።
- 8. ዛርስኖ ናዴ ሌሌ ዳዳዳግያ ኬናንቴ ሃይዴኻናንቴ ዲላጦስም ምስክድና።
- 9. ዲላጦስኻሞ አይሁድናሳ ብታም የናንቴ እቡሌኻናንቴ ዛጋው የዛጋይ?" ሃማንቴ ኬካላ አይስድና።
- 10. ኦጎኖካሞ ካይናሳ ኤና ጋርና የሱስም ይናንቴ ሳስካንቴ ኬእማዶኖ ጋሮ ኮዶንም ይዴሳደንታኻና።
- 11. ኮዶን ኤና ካይናሳ ጋርና ራቃ ክንታሮጎ ባርባንም ኬናንቴ ቡዲካናንቴ ዛርስን ላማ ክንካ ዋሳውዲና።
- 12. ዲላጦስ ፕርካሞ ታ ናንስ አይሁድናሳ ብታ ሃማንቴ የጌያያም ሃስ እያዬኻ ናንቴ የዛጌና? ኬግያ ክያማዶ።
- 13. ኬ ፍርካሞ ዝቲማ ሃማንቴ እላቲድና።
- 14. ዲላጦስካሞ ሃርናንቴ? ሃርቴ የራ ዛርባ ክሴሳዳና ኬግያ ክያማዶ። ኮዶን ኬ ካሎን ዝቲማ ሃማንቴ እላቲድና።



15. ጲላጦስካሞ ዛርስንም ዋዝንሳናንቴ ባርባንም ኬናንቴ ቡልድና፤ ኮዶን የሱስም ጳይሳንቴ ዝታዴኻንቴ ሳስካንቴ እምድና።

### ዎታዳርና የሱስም አልንስድና

16. ዎታዳርና ኘራይቶሪዮን ሃንዳያ ራቃዛራ ኤያ ፔንሳ ብታ ሞርንዛራ ኪም አንስድና፤ ሳራውትናም ፓይላ ራቅ ካላዛራ ኬፑእሻድ።

17. አፓላን ዛዎን ኪም አርስሳንቴ ኡኩምን ጋሊግያ ቁራንቴ ክሳ ሜቴሮና ኬያዶ።

18. ሃያንቴ አይሁድናሳ ብታ ሃልኖ ሃንቴ ኮዴ!” ሃንቴ ኬ ኪም ጌስዲና።

19. ኬ ሜቴ ክሳም ቴሌኻ ጳይዲና ፓፅንካሞ ክዛራ ማማዲድና፤ ኮንፓርሳንቴ ኬ ክናንቴ ጉንስንዲድና።

20. ኪምካሞ አሊንሳንቴ ራስባራ አፓላን ዛዎን ክዛራዶን ቻንቴ አፓላን ክኖንም ኪም አርስሳዲድና፤ ኪም ዝታናንቴኻሞ አንሳዲድና።

### የሱስም ዝታዳሳ

21. አሌክሳንድሮስቤ ሩፎስቤ እንባ ስምኦን ሃንዳያ ቀሬና ፔን ኤዲ ካላ ገጠርን ባራ ክንካ መስቀልንም ክቤኤኻናንቴ ኪም ኬ እሽክንሲድና።

22. ሃንቴ የሱስም ራቃ ዎካልሳ ሜቴን ጉሳ ሃንቴን ግስንዳያ ጎልጎታዛራና ኬአንሳዶ።

23. ከርቤን ላማ ዎርሳጳዶን ሃቃስ ወይና ዝአንም ኬ ክናንቴ እንዲድና፤ ኮዶን ኖ ውጫዲማሞ።

24. ሃያንቴ ኪም ዝታዲድና፤ ኬዛራ የስካያ ኮዶንም ጴሳናንቴ ቡክና ኬዳባዶ አፓላን ክሳም ኬ ኪም ካሺዲና።

25. ኪም ኬዝታን ዋዳኖ አካራ ቡርንሳ ሳዓት ማካንቤ ግድርና ኮዶ።

26. ዋርቃታ ኪም ይንካ ቤርንሳዳ አይሁድናሳ ብታ ሃማያና።

27. ክላማ ክንካ ኤዲ ድብ ላማም ካላም ክሳ ምዛቅባራ ሞም ክሳ ዋርካታባራ ሃያንቴ ዝታዲድና።

28. አና ዋርቃትናሳ ኤና ጋሮን ኤናላማ ኪም ፓይዳዲድና ሃንዳዶኖ ጎያ አጋኻ ሃምድና።

29. ኤና ጎይንካ ሳጋይናካሞ ሜቴ ይሳም ጁግቴ እርሞ ዱፅ ኪም እራንቴ ይንታካሞና ሃምቴ ኬዶ፤ ሃያ ሃፓዳይ! ባርዮን ኦኖንም ኮሳንቴ ሮሮ ማካንሳ እሮጎ አሽካያ ያና፤

30. ይንዳ ናንስ መስቀልን ባራን ሃንቻንቴ ሃም ጳክሽማ።”

31. ሃያንቴ ካይናሳ ኤና ጋርናቤ ኤና ሙሴ ዳንብን ታማርሳይናቤ ኪም ቦዋንቴ ክግያ ይንታና ኬያማዶ፤ ኤና ዋንም ጳክሽድና፤ ኮዶን ይም ጳክሻናንቴ ቻላዲማሞ።

32. ዎትይኻሞ ሃም ዎአምኔካናንቴ ካ ክርስቶስ ያካ እስራኤልና ብታ ይንዳ መስቀልሮካ ክያንጅ። ኤና ክላማ ዝታዳዳናካሞ ይንታ እርሞ ዱፅካ ኪም እርቴና ኬዶ።

### የሱስሳ ዴንዲኖ

33. ሳዓታ ላኻ ካርሳንቴ ሳዓታ ሳልዛራ ፔ ሁል ግድር ፅፓ ማትድና።

34. ሳዓታ ሳል ኮማታና የሱስ ኤሎኔ፤ ኤሎኔ፤ ላማ ሰባቂታኔ?” ሃማንቴ ናቅስ ይሳም ዴግ ሃንቴ እላትድና፤ ዎካልና ክሳካሞ ጌዳዮ ጌዳዮ ሃርናንቴ እም ሃጋራዴና ሃንፓዶ።

35. ኤና ኦጎታ ዎያንቴን ዳና ግድር ዋን እግናም ይኤሳራና ኤልያስምና ክግስማይና ኬያማዶ።

36. ሃያንቴ ኤዲ ካላ ይርካ ቃልቴ ወይንን ዝአን ጋአዶን ፕራኻ ሃያንቴ ክውጩ ካናንቴ የሱስ ናንቴ እምድና፤ ሃያንቴ ይንዳ ጋርማቴ ኤልስ ናዴ ኪም ክያንቸሻም ዎያፌና ክያማዶ።

37. የሱስካሞ ናቅስ ይሳም ዴግ ሃያንቴ እላታንቴ አጋዛራ ሳዳን ታክዲና።

38. ባርዮን ኦኖንሳ አፓላኖ ጋዳን ዳኻዳዶ ዳኻ ቻንቴ ላይ ችሆ ቴንስንዛራ ራቅ ላማ ኪም ካሺዲና።

39. የሱስካ ልክ ዎያንቴን ዳ ፖሊስናሳ ማቶናሳ ኤያ ጋራ ኦጎንታ እላታንቴ ሳዳን ክታኻዶን ይያፓና ኤያ ካሃ ጎንዴንባ ባሪያ ናሳና ክያማዶ።

- 40. ዋዳን አጋኝ ሜና ፔጌ ዎያንቴ ሼድቴና ኬዶ፤ ኬሳካሞ ባክሮጎ መግዳላዊት ፔን ጋይኖ ማርያምቤ ያዕቆብ ሾላቤ ዮሳ እንዳን ማርያምቤ ሃንቴ ሰሎሜኸሞ ኬላማ ዳይድና።
- 41. ሜና እግና ገሊላ ግደር ኪም ጫጋይና ክናንቴ ዋድምቴን ዳናቤና፤ ሃያንቴ ክላማ የሩሳሌም ዛራ ሜና ዱፅና ናኦዳና ዋን ዳይድና።

**የሱስም ዱካዲዲና**

- 42. ፔኖ እባናዳቴ ንቴና ኮዶ ኡኩን ሳን ሮራ ናንቴ ይንካ ሼካዳያ ሮራ የስክድና፤
- 43. ኤና አይሁድናሳ ብቶን ታካይና ግደር ካላ ባሪያሳ ናእንቶን ዋዳንም ካሊቴንዳ አርማትያስ ፔን ጋንታ ዩሴፍ ዎይላም ዋቻዳንቴ ዲላጦስ ካላ ቃልቴ የሱስሳ ዋንም ምስክድና።
- 44. ዲላጦስካም አጎንታ ይርካ ክጃዶን ይኤሳራና የርሸድና፤ ፖሊስናሳ ማቶናሳ ጋራም ግስማንቴ ክጃኝ ሳዓት ሜም ኮዬስካዶንም አይስድና፤
- 45. ክጃዶንም ፖሊና ማቶናሳ ጋራኸላ ኤሳራንቴ ዋን ክሳም ዩሴፍ ናንቴ እምድና።
- 46. ዩሴፍካም ዋን ክሳም ሃንቺሻንቴ አፓላንካ ሳራንቴ ላይታሮካ ዱክን አሎን ኮይዳዶንሳ እሮጎ ዱክድና፤ አሎንሳ አፖንኸሞ ሱንካ ሹፑድና።
- 47. ማግዳላዊት ፔን ጋይኖ ማርያምቤ ዩሳ እንዳን ማርያምቤ ሃንታር ዱክቴ ኬዶን ሼድቴና ኬዶ።

**ዴንጲሮኸ ዳዲዲና**

**ማርቆስ 16**

- 1. ኡኩንሳን ሮራ ክሷንኝ ራስባራ መግዳላዊት ፔንጋይኖ ማርያምቤ ያዕቆብ አንዳን ማርያምቤ ሰሎሜቤ ቃልቴ የሱስሳ ብሽንም ቃዳናንቴ ዋኦትና ኬሻናዶ።
- 2. ሳንታሳ ሮራ ካርሳጋላ አካራ ቡር ዋዳ ሓያላ ውታሃ ዱክን ራቅንዛራካም ይቴ ዳንቴ፤
- 3. ዱክንሳ ሙልዳፖሮኸ ሃውቴ ዎናንቴ ሱንንም ውንኩርሳያ? ሃማንቴ ክንካ ሃሳውቴና ኬዶ።
- 4. ካቺ ሃማንቴ ኬሼድና ሱንኖ ጌዶኖ ዱክንሳ ሙልፖሮኸ ውንኩርስማንቴ ኮዳኝና ኬያፓዶ።
- 5. ዱክንሳ እንዛራ ኬአርዳ ኤዲ ጋር አፓላ ጫውል አርሳዳ ምዛራቅባራ ዳርቃንቴ ክዳኝ ሃፓንቴ ኬ ቃስምድና።
- 6. ኮዶን ኖ ኬግያ ይንታና ክያማዶ፤ የቃስምናኖ፤ የዛጋያ ዝታዳዳ ናዝሬት ጋንታ የሱስና ኖ ዳዲድና ኮታር ቆልማም ኪም ራቃ ይንግደር የዎዳዳ ካሼ።
- 7. ኮዶንካም ቃልቴ ክሳ ታማርናቤ ጴጥሮስቤ ናንቴ ዩም ብራንቴ ገሊላዛራ ያአና ክያአይ፤ የናንቴ ይጌያዳግያ አጎታር ኪም ፓና የያፓይ ሃማንቴ ኬናንቴ ጌይማቴ።
- 8. ሜናኸሞ ቃስማንቴ ግባዛዳቴ ዱክን እሮኸ ጎብቴ ውትድና፤ ኩርቲንዳንቴ ይዶንታካ ኤዲ ናንቴ የር ካላኸሞ ጌያድማም።
- 9. ሳምንታሳ ሮራ ካርሳጋላ ቡርን ዴንዴን ባራ ይዳደዶንሳ ራስባራ፤ ኤስን ይንዛራን ቤሮ ሶዳን ይቡልዶን መግዳላዊት ፔን ጋን ማርያም ናንቴ ብራንቴ ሃፕንዲድና።
- 10. ና ቃልቴ ኤና አና ክላማን ዳና ቃብምቴ ኬኤፕካ ሃፓንቴ ኖ ሳዳንካ ክዶንቤ ኪም ይያፓዶቤም ኬናንቴ ጌይዲና።
- 11. ኮዶን ኬ ኮም አምናድማም።
- 12. አጋሳ ራስባራ ይሳ ታማርናሳ ላማ ናንቴ ጋጣርንዛራ ኬይካ ኤዲ አብግያ ማታንቴ ኬላማ ኬርዲና።
- 13. ኬ ማታቴ ናዴ እግናም ታማርና ክሳ ዋን ናንቴ ጌይድና፤ ይያማን ታማርና ዋን ኬም አምናድማም።
- 14. ሃያንቴ ታማርና ክሳ ታዲ ካላና ናንቴ ፑጫንቴ እስምቴ ኬዳኝ ሃፕንዲድና፤ ዴንዲንባራ ክዳደዶሳ ራስባራ ኤና ኪም ሃፓዳናሳ የራ ጌይዳዳናም ኬአምድምንታኸ፤ ኬአምድማኸቤ ኬሳ ዎይላምሳ ዛርሞንኸ ኬዛራ ዋጭምዲና።
- 15. ይንታካምና ክግያ ክያማዶ፤ ፔን ጋላፒን ሁልዛራ ይማቴ ወንጌልም ኤና ውል ናንቴ ታማርስማቴ፤

16. ኤያ አምናዳ ኑንቆንካ ሻይጳዳ ዳቃና ክዳቃይ ኮዶን ኤያ አምናድማዛራ ብቶን ታካና ታካዳይ።
17. ኤና አምናዳናም የራ ክና ኬም ጫጋና ኬጫጋይ፤ እሳ ናብንካ ቤሮናም ቡላና ኬቡላይ አፖ ሃልካሞ ዴላቃና ኬዴላቃይ፤
18. ጉኖንካሞ አንካ ይዳና ኬዩዳይ፤ የር ኤዲም ዴሳያ ኬውጭና ኬዛራ የር ዛርቦ የስክስማሞ፤ አንን ይሳም ኤና ሃጂሞናዛራ ኬዎዲና ኬ ፓሻና ኬፓሻይ።
19. ጌዳ የሱስ ክናም ኬናንቴ ጌያንቴ አጋዛራ ፖላንዛራ ዳዲድና፤ ባሪያሳ ምዛቅባራ ዳርቅድና።
20. ሃያንቴ ታማርና ናዴ ራቅ ሁል ግዶር ታማርስድና፤ ጌዳካሞ ኬንካ አሽክቴና ክዶ፤ ኬሳ ታማርንካ ሃማንቴ የራ ሃምቴን ዳናካ ጌዳሳ አፖኖ ኤና ዛራ አሽክቴና ኮዶ።